

訓俗遺規編鈔

卷三卷四止



訓俗遺規摘鈔卷三

桂林陳宏謀榕門甫原編

司馬溫公居家雜儀

公名光字君實

宋宰相諡文正

蘇東坡

宏謀按正倫理篤恩義辨上下嚴內外居家之要

道也溫公正色立朝先正身以正一家法肅意周

可為古今儀則所著家範父子祖孫兄弟叔姪夫

婦一家之中各盡其道皆有懿行以實之限於卷

帙不及附刊然得此而遵循不越亦足以整齊門

內無愧型家之道矣

凡為家長必謹守禮法以御羣子弟及家衆分之以職授

之以事而責其成功制財用之節量入以為出稱家之有

訓俗遺規

卷三

居家雜儀

無以給上下之衣食及吉凶之費皆有品節而莫不均一

盡其所有而均之雖糲食不飽敝衣不完人無怨心裁省冗費禁止奢華常須稍有

贏餘以備不虞

凡諸卑幼事無大小無得專行必咨稟於家長

凡為子為婦者毋得蓄私財俸祿及田宅所入盡歸之父

母舅姑當用則請而用之不敢私假不敢私與

凡子事父母

孫事祖父母同

婦事舅姑

亦同

天欲明咸起盥漱櫛

總具冠帶味爽適父母舅姑之所省問父母舅姑起子供

藥物藥自供進不可但委婢僕婦具晨羞供具畢乃退

各從其事將食子婦請所欲於家長退具而供之尊長舉

筵子婦乃各退就食。丈夫婦人各設食於他所。依長幼。男坐於左。女坐於右。及夕食亦如之。既夜。父母舅姑將寢。則安置而退。居閒無事。則侍於父母舅姑之所。容貌必恭。執事必謹。言語應對必下氣怡色。出入起居必謹扶衛之。不敢涕唾。嗔呼於父母舅姑之側。父母舅姑不命之坐。不敢坐。不命之退。不敢退。

凡子受父母之命。必籍記而佩之。時省而速行之。事畢則反命焉。或所命有不可行者。則和色柔聲。具是非利害而白之。待父母之許。然後改之。若不許。苟於事無大害者。亦當曲從。若以父母之命爲非。而直行己志。雖所執皆是。猶爲不順之子。况未必是乎。

凡父母有過。下氣怡色。柔聲以諫。諫若不入。起敬起孝。悅則復諫。不悅與其得罪於鄉黨州閭。寧熟諫。父母怒。不悅而撻之。流血不敢疾怨。起敬起孝。

凡爲人子弟者。不敢以富貴加於父兄宗族。

凡爲人子者。出必告。反必面。有賓客。不敢坐於正廳。升降不敢由東階。上下馬不敢當廳。凡事不敢自擬於其父。

凡父母舅姑有疾。子婦無故不離側。親調膏藥。餌而供之。父母有疾。子色不滿意。不戲笑。不宴遊。一切不得如平時。甚則不交睫不解。

衣舍置餘事專以迎醫檢方合藥爲務疾已復初

凡子事父母父母所愛亦當愛之所敬亦當敬之至於犬馬盡然况於人乎

凡子事父母樂其心不違其志樂其耳目安其寢處以其飲食忠養之幼事長賤事貴皆做此

凡子婦未敬未孝不可遽有憎疾姑教之若不可教然後怒之若不可怒然後笞之屢笞而終不改子放婦出然亦不明言其犯禮也子甚宐其妻父母不悅出子不宐其妻父母曰是善事我子行夫婦之禮焉沒身不衰

凡爲宮室必辨內外深宮固門內外不共井不共浴堂不

訓俗遺規

卷三

居家雜儀

二

其廁男治外事女治內事男子晝無故不處私室婦人無故不窺中門男子夜行以燭婦人有故出中門必擁蔽其面男僕非有繕修及有大故謂水火盜不入中門入中門婦人必避之不可避亦必以袖遮其面女僕無故不出中門有故出中門亦必擁蔽其面鈴下蒼頭但主通內外之言傳致內外之物毋得輒升堂室入庖廚

凡卑幼於尊長晨亦省問夜亦安置坐而尊長過之則起由過尊長於塗則下馬不見尊長經再宿以上則再拜五宿以上則四拜賀冬至正旦六拜朔望四拜凡拜數或尊長臨時減而止之則從尊長之命

凡受女婿及外甥拜立而扶之外孫則立而受之可也
凡節序及非時家宴上壽於家長卑幼盛服序立如朔望
之儀先再拜子弟之最長者一人進立於家長之前幼者
一人執酒盞立於其左一人執酒注立於其右長者跪斟
酒祝曰伏願某官備膺五福保族宐家尊長飲畢授幼者
盞注反其故處長者俛伏興退與卑幼皆再拜家長命諸
卑幼坐皆再拜而坐家長命侍者徧酢諸卑幼諸卑幼皆
起序立如前俱再拜就坐飲訖家長命易服皆退易便服
還復就坐

凡內外僕妾雞初鳴咸起櫛總盥漱衣服男僕洒掃廳事
訓俗遺規 卷三 居家雜儀 四

及庭鈴下蒼頭洒掃中庭女僕洒掃室堂設椅桌陳盥漱
櫛。盥之具。主。父。主。母。既。起。則。拂。牀。襲。衾。侍。立。左。右。以。備。使
令。退。而。具。飲。食。得。閒。則。浣。濯。紉。縫。先。公。後。私。及。夜。則。復。拂
牀。展。衾。當。晝。內。外。僕。妾。惟。主。人。之。命。各。從。其。事。以。供。百。役
凡女僕同輩謂長者爲姊後輩謂前輩爲姨務相雍睦其
有鬪爭者主父主母聞之卽訶禁之不止卽杖之理曲者
杖多一止一不止獨杖不止者

凡男僕有忠信可任者重其祿能幹家事者次之其專務
欺詐背公徇私屢爲盜竊弄權犯上者逐之
凡女僕年滿不願留者縱之勤奮少過者資而嫁之其兩
面二舌飾虛造讒離間骨肉者逐之屢爲盜竊者逐之放
蕩不謹言逐之有離叛之志者逐之

呂新吾好人歌

宏謀按人皆知愛慕好人而存心行事有時近于不好者矣。今一一列出。孰爲好人。孰爲不好人。隨事可見。有志者可以自省。

天地生萬物。惟人最爲貴。人中有好人。更出人中類。好人先忠信。好人重孝弟。好人知廉恥。好人守禮義。好人不縱酒。好人不戀妓。好人不耍錢。好人不使氣。好人不仗富。好人不倚勢。好人不欠糧。好人不侵地。好人不教唆。好人不妒忌。好人不說謊。好人不謔戲。好人沒閒言。好人不謗議。好人無歹朋。好人沒浪會。好人不村野。好人不狂悖。好人

訓俗遺規

卷三

好人歌

五

不懶惰。好人不妄費。好人不輕浮。好人不華麗。好人不邈。過。好人不乖戾。好人不強梁。好人不暗昧。好人救患難。好人施恩惠。好人行方便。好人無詭計。惡人罵好人。好人不荅對。惡人打好人。好人只躲避。不論大小人。好人不得罪。不論大小事。好人合天理。富人做好人。陰功及後世。貴人做好人。鄉黨不咒詈。貧人做好人。說甚千頃地。賤人做好人。不數王侯貴。少年做好人。德望等前輩。老年做好人。遮盡一生罪。弱漢做好人。強人自羞愧。惡人做好人。聲名重十倍。好人鄉邦寶。好人家國瑞。好人動鬼神。好人感天地。不枉做場人。替天出口氣。吁嗟乎。百年一去。永不還休。做

惡人留惡謠

魏環溪庸言

公名象樞蔚州人順治丙戌進士仕至刑部尚書謚敏果

宏謀按魏環溪先生正色立朝百僚嚴憚讀其奏疏剴切真摯無所忌諱至今猶令人敬憚所探庸言諸則剛方正直之概可以想見而敦本尚實密於自修恕於責人言之直截痛快其警世也深矣人心一念之邪而鬼在其中焉因而欺侮之播弄之晝見於形像夜見於夢魂必釀其禍而後已故邪心卽是鬼鬼與鬼相應又何怪乎人心一念之正而神在其中焉因而監察之呵護之上至於父母下至於子孫必致其福而後

訓俗遺規

卷三

庸言

六

已故正心卽是神神與神相親又何疑乎

子爲父母慶生辰膝下稱觴情也禮也至於我之生日乃母難之日也若受親戚鄰里門徒故交之祝開筵扮戲饒遺殺生於心安忍然斟酌情禮凡我之生日當齋心以報親令我之子孫次日稱觴以盡孝庶幾兩全矣

老年慶壽事不能廢

如此猶爲近理若少中慶壽決無此理

市上肥甘之物一二年不可買盡須畱些與衆家一嘗纔有滋味富貴功名等物皆然愚同年友王近微讀而歎曰子先子題小亭一聯有但寬一步常無失每積三分定有餘亦此意也

昔人云。願識盡世閒好人。讀盡世閒好書。看盡世閒好山。水。余曰。識好人。先自貧賤。愚拙始讀好書。先自學庸論孟。始看好山水。先自祠墓田廬始。

昔人云。每閒坐想古人。無一在者。何念不灰。余曰。還想古人。至今尚在處。何念不憤。

風水吾不敢知。知其理而已。祖父已死之骨。安厝未妥。子孫尚不興隆。况祖父在生之身。奉養未周。了孫豈無災禍。欲於葬後享福利。須要生前致歡心。此吾所謂風水之理也。

常把自己說的好話。一一自問。你既不行。誰教你說出來。

訓俗遺規

卷三 庸言

人至今尚在處。何念不憤。風水吾不敢知。知其理而已。祖父已死之骨。安厝未妥。子孫尚不興隆。况祖父在生之身。奉養未周。了孫豈無災禍。欲於葬後享福利。須要生前致歡心。此吾所謂風水之理也。

昔人云。每閒坐想古人。無一在者。何念不灰。余曰。還想古人。至今尚在處。何念不憤。風水吾不敢知。知其理而已。祖父已死之骨。安厝未妥。子孫尚不興隆。况祖父在生之身。奉養未周。了孫豈無災禍。欲於葬後享福利。須要生前致歡心。此吾所謂風水之理也。

程漢舒筆記

先生名大純號一齋湖廣孝感人仕黃岡縣教諭崇祀鄉賢

宏謀按漢舒先生乃同館二洙先生之尊人余於

二洙處得讀其筆記一冊深服其讀書以窮理為

本講學以力行為先故所言無非根極理要曲盡

人情想見先生之閱歷有得檢身省心常若不及

之意所謂有物之言也敬錄其有關於居家處世

者數條以為世俗訓且以誌景慕之私云

人壞念將起時只覺得可恥便有轉機

常人之畏天在禍福學者之畏天在是非常人之畏天在

罪孽難道之際學者之畏天在事機將動之初

訓俗遺規

卷三

程漢舒筆記

八

我輩動談經濟且看他在家中設施布置是如何近處不

能感動未有能及遠者小處不能條理未有能治大者親

者不能聯屬未有能格疎者一家生理不能全備未有能

安養百姓者一家子弟不率規矩未有能教誨他人者

人不能無差錯念頭只要扯得轉來

周全人爭辯事必期於彼此相安若其中有一人不諒只

以至誠動之不可失了周全的初意至家庭骨肉間尤用

不得一毫忿疾慎之慎之

人家生事的家人其意亦或重於為家主即家主亦說他

本來為我及至生出事來破家蕩產只是家主受累這家

人如何算得是忠義之僕。人臣之急公奉上，亦要識破此種道理。

子弟有冥頑之行，亦只正其事而止，添一毫忿嫉之心，不

特不忍，亦使彼無自新之路也。

自己必無行惡得福，行善得禍之理。天下必無見善人而

怒見惡人而喜之情。君子可以自信矣。

人一心先無主宰，如何整理得一身正當。

人一身先無規矩，如何調劑得一家整肅。

待僕從不可刻薄，不可不嚴，不可不敬，不可不愛，不可不財。

不清亦即酌其輕重而處之。

川谷畫見 卷三 程漢舒筆記 九

蔡梁村示子弟帖 先生名世遠福建漳浦人康熙已丑進士官禮部尚書諡文勤

法謀按人所以異於物者惟此倫理耳人苟事事

從倫理上著想則生平必無悖理傷道之舉茲帖

所言無非以倫理為重而明義利培心地精實切

當子弟之良藥也梁村先生操行篤實學術純正

為理學名臣凡所著述動關教化讀二希堂集可

以得其概矣

待僕從不可刻薄然不可不嚴有玩法者立刻處置錢財

不清亦即酌其輕重而處之

訓俗遺規 卷三 示子弟帖 十

讀書最要限程讀經史性理隨力自限總是每看必返已

自考古文亦隨力讀時文以應試晚間以餘力及之

今日接汝桐鄉季父來字云汝凡事好自以為通曉其實

一毫不識蓋家中被人欺誑順奉故也當牢記痛改與人

言語切不可有爭氣我見汝在京與人言說常有爭氣此

損福損德之一端須戒

吾家子弟最宜常勗以立大規模具大識見不可沾沾焉

貪目前安卑近朱子云天下事壞於懶與私最切今之弊

懶則不肯勤勵學殖荒而志氣亦墜私則自至親間尚分

畛域有利心尚望其有器識有所建立哉

跋祖祠規條

右家規十六條。乃世遠所稽之於古。及聞之於今者。已正之。父兄伯叔。以爲可行。願吾家長上。各以此勗其子弟。相規相勸。則人知尊祖敬宗。而相親和睦之意。行乎其間矣。世遠更推本平日父兄之訓。以爲衆子弟勗曰。凡人之所。以爲人者。在篤於倫理。而絕其自私自利之心而已。薛文清公戒子書曰。人之所以異於禽獸者。倫理而已。何謂倫。父子君臣夫婦長幼朋友五者之倫。序是也。何謂理。卽父子有親。君臣有義。夫婦有別。長幼有序。朋友有信。五者之天理是也。於倫理明而且盡。始得稱爲人。苟倫理一失。雖

訓俗遺規

卷三

示子弟帖

十一

有人之名。實禽獸之行。仰貽天地凝形賦理之羞。俯爲父母一氣流傳之玷。將何以自立於人世哉。文清公此言。極爲親切。世遠竊謂倫理之虧。大抵由於自私。自私則忌刻之心起。雖同祖共宗之人。不免自利則止。知有己。雖同氣兄弟。不顧夫忌者。小人之尤。况施之於同祖共宗之人。利者害德之物。乃至同氣兄弟之間。因財業而生嫌隙。此真禽獸之不若也。嘗見兄弟不和之人。其家必有死亡之憂。自古及今。無得脫者。人卽不懼身入於禽獸。獨不爲禍患計耶。吾宗素奉祖宗之明訓。凡所云云。皆不至是。然履霜堅冰。防其漸也。抑又聞之人有常業。必興其家。忠厚

李忠毅公誠子書

公名應昇字仲達江陰人萬曆進士官御史劾逆璫被難

宏謀按此與椒山先生遺囑並為獄中所書楊公之言詳且盡李公之言簡而該要皆各就其家之事勢及其子之材質而立論也事不外乎日用倫常理不離乎孝友恭儉家遭多難覆卵難完尚且諄諄於此彼安常處順之子弟顧重財帛而輕骨肉驚名利而忘道義不重可惜哉至其悲涼切摯之情更在筆墨字句之外忠良蒙難至今讀之猶有餘痼焉

吾直言賈禍自分一死以報朝廷不復與汝相見故書數

訓俗遺規

卷三

誠子書

十三

言以告汝汝長成之日佩為韋弦即吾不死之年也

汝生長官舍祖父母拱壁視汝內外親戚以貴公子待汝衣鮮食甘嗔喜任意嬌養既慣不肯服布舊之衣不肯食粗糲之食若長而弗改必至窮餓此宜儉以惜福一也

汝少所習見遊宦赫奕未見吾童生秀才時低眉下人及祖父母艱難支持之日也未見吾囚服被逮及獄中幽囚痛苦之狀也汝不嘗膽以思豈復有人心者哉人不可上物不可凌此宜謙以守身二也

祖父母愛汝汝狎而忘敬汝母訓汝汝傲而弗親今吾不測汝代吾為子可不仰體祖父母之心乎至於汝母更倚

何人汝若不孝神明殛之矣。此宜孝以事親三也。

吾居官愛名節。未嘗貪取肥家。今家中所存甚業。皆祖父
母勤苦積累。且此番銷費大半。吾向有誓願。兄弟三分必
不多取一畝一粒。汝視伯父如父。視寡孀如母。卽有祖父
母之命。毫不可多取。以負吾志。此宜公以承家四也。
汝旣鮮兄弟。止一庶妹。當待以同胞。倘嫁於中等貧家。須
與粧田百畝。至庶妹之母。奉事吾有年。當足其衣食。撥與
贍田收租。以給之。內外出入。謹其防閑。此恩義所關五也。
汝資性不鈍。吾失於教訓。讀書已遲。汝念吾辛苦勵志勸
學。倘有上進之日。卽先歸養。若上進無望。須做一讀書秀
才。將吾所存諸稿簡籍。好好詮次。此文章一脈六也。
吾苦生不得盡養。他日伺祖父母百歲後。葬我於墓側。不
得遠離。

訓俗遺規

卷三

誠子書

十四

宏謀按桴亭先生爲學專力於格致誠正推暨於修齊治平思辨錄天德王道無所不貫茲所採者皆持已涉世之事人人可以理會者也言則平正而無奇理實切當而不易率而由之可以寡過矣昔人有言天下甚事不因忙後錯了世儀道天下甚事不因怒後錯了怒則忙忙則錯氣一動時不可不卽時簡點徒君自有婦羅敷自有夫語婉而嚴可爲見色思義之最切莫做識得破忍不過的事

人相生於天然語有之有心無相相逐心生有相無心相

訓俗遺規

卷三

思辨錄

五

隨心滅知上視之非則去其傲知下視之非則去其弱知偷視之非則去其姦知邪視之非則去其淫心旣平正則視瞻不期平正而自無不平正矣此之謂修身此之謂欲修其身者先正其心

鑑明王先生曰功名心須是放灑子問何以能沒曰只是安箇命字子曰命字止須再加箇義字

晝坐當惜陰夜坐當惜燈遇言當惜口遇事當儻心閒時忙得一刻則忙時閒得一刻

凡處事須視小如大又須視大如小視小如大見小心視大如小見作用昔人所謂膽欲大而心欲小也

或謂與傾險人處甚有害。曰甚有益。或問故曰。正使人言語動作一毫輕易不得。豈惟過失可少。於敬字工夫上亦甚增益。其難動人脾氣。其甚一室中王伯之戰。改過之人。如天氣新晴一般。自家固自灑然。人見之亦分外可喜。

冬溫夏清。昏定晨省。是事父母小節。能讀書修身。學爲聖賢。使其親爲聖賢之親。方盡得孝之分量。舜稱大孝。亦只是德爲聖人一句。

朋友是後來的兄弟。兄弟是天然的朋友。少同遊。長同學。若得一心一德之兄弟。何樂如之。此古人所以深貴乎兄。

訓俗遺規

卷三

思辨錄

六

弟之互相師友也。

以身孝父母。不若以妻子孝父母。以身孝父母。容有不盡之時。以妻子孝父母。更無不到之處。子曰。父母其順矣乎。一句煞有意味。

教家之道第一。以敬祖宗爲本。敬祖宗在修祭法。祭法立則家禮行。家禮行則百事舉矣。

今士大夫家。每好言家法。不言家禮。法使人遵。禮使人化。法使人畏。禮使人親。只此是一家中王伯之辨。

擇婿易。擇婦難。婿露頭角。選擇可憑。婦在深閨。風聞難據也。

人。不。尤。著。觀。其。日。錄。語。皆。透。宗。覺。精。義。妙。理。俱。在。目。前。
 未。經。人。道。一。為。拈。出。如。聞。晨。鐘。如。服。清。涼。散。足。以。
 發。人。深。省。已。入。錮。疾。也。採。錄。不。多。而。先。生。心。地。之。
 爽。朗。識。力。之。堅。定。已。見。一。斑。自。不。言。而。足。以。示。人。
 事。後。論。人。局。外。論。人。是。學。者。大。病。事。後。論。人。每。將。知。人。說。
 得。極。愚。局。外。論。人。每。將。難。事。說。得。極。易。二。者。皆。從。不。忠。不。
 恕。生。出。而。善。惡。日。就。區。別。下。後。學。亦。不。復。有。為。此。說。者。人。
 人。極。重。一。恥。字。即。盜。賊。倡。優。若。有。些。恥。意。在。便。可。教。化。若。

訓俗遺規

卷三

日錄

六

其。人。雖。未。太。惡。或。遇。羞。恥。之。事。恬。然。可。安。肆。然。不。畏。則。終。
 身。必。無。向。善。之。日。推。到。極。不。善。事。亦。所。肯。為。恥。字。是。學。人。
 喉。關。聖。人。教。人。與。小。人。轉。為。君。子。皆。從。恥。上。導。引。激。發。過。
 去。人。一。無。恥。便。如。病。者。閉。喉。雖。有。神。丹。不。得。入。腹。矣。人。
 人。於。橫。逆。來。時。憤。怒。如。火。忽。一。思。及。自。己。原。有。不。是。不。覺。
 怒。情。蹶。氣。渙。然。冰。消。乃。知。自。反。二。字。真。是。省。事。養。氣。討。便。
 宜。求。快。樂。最。上。法。門。切。莫。認。作。道。學。家。虛。籠。頭。語。看。過。
 人。最。不。可。輕。易。疑。人。今。如。誤。打。罵。人。人。可。回。手。回。口。若。悞。
 疑。人。則。此。人。一。舉。一。動。我。有。十。分。揣。摩。他。無。一。毫。警。覺。終。
 身。詭。誣。那。得。申。時。此。逆。億。所。以。為。薄。道。也。

人做事極不可迂滯。不可反覆。不可煩碎。代人做事又極要耐得迂滯。耐得反覆。耐得煩碎。

與僕役工作人處。宜降體和氣。引之言話。有三大益。縱其所言。使下情得以上達。而我亦可知里巷好惡。及一切土俗利害物價貴賤。一也。言語往復。得舒其情。使之樂於從我。雖勞不苦。雖苦不怨。二也。語言開或論天理王法。或說善惡報應。隨事廣譬。亦可使其遷善改過。救補萬一。三也。凡人皆不可侮。無用人尤不可侮。蓋無用之人。無勢力。無才智。天至此也。窮了。惟天窮而無處。則天心必深憫念他。世閒千人萬人。遇著無告之人。便惻然動心。此便是天心。

訓俗遺規

卷三

目錄

五

可見處。天憫念他。我反欺侮他。便得罪於天。此等處最可觀。人存心厚薄。

我不識何等為君子。但看日閒每事肯吃虧的。便是。我不識何等為小人。但看日閒每事好便宜的。便是。凡做好人。自大賢以下。皆帶兩分愚字。至於忠臣孝子。貞女義士。尤非乖巧人做得。蓋至情之人。一往獨到。故私意世情。不能入其胸中。子嘗論朋友知己。若無些愚意。在終到不得十分至處。

古云。父母即欲以非理殺子。子不當怨。蓋我本無身。隨父母而後有殺之。不過與未生一樣。古人看得兄弟亦重。差

父母不遠。蓋如兄弟三人損失一個。則天地之內。止有兩個。任他萬國九州。若億若兆人。再尋一個來湊不得。聖賢言語。俱以實理實情。不可作教訓世人過深一步話看。古今以婦人釀成父子兄弟朋友鄉鄰之釁者。不一而足。總以婦人之性專一。自是非人。其言偏屬有情有理。聽言者。又每是已婦而非人。婦雖賢智。亦陰移而不覺。故不聽婦言。自是難事。然試一平心推勘。婦人與人爭詬。百十次中。只有怨人責人。曾有一次肯說自己不是。向人謝過否。然則世上婦人。盡是無過聖人也。平勘到此。其言自有不可聽處。且不必細細推論。一事一語。曲直所在。

訓俗遺規

卷三

日錄

三

人處財一分。定要十釐。便是刻。與人一事。一語。定要相報。便是刻。治罪應十杖。定一杖不饒。便是刻。處親屬道理上。定要論曲直。便是刻。刻者不留有餘之謂。過此則惡矣。或問親屬如何。不論曲直。曰。若必論曲直。便與路人等耳。人處家無數世親戚。數世通家人。往返周旋。自是德衰福薄。能知足者。天不能貧。能無求者。天不能賤。能外形骸者。天不能病。能不貪生者。天不能死。能隨遇而安者。天不能困。能造就人才者。天不能孤。能以身任天下後世者。天不能絕。

湯潛庵語錄 先生名斌河南睢州人順治己丑進士仕至工部尚書諡文正

爲先理學經濟彪炳 國史語錄所載皆足以感

發斯人之良心而策其力學之志氣所宜切已體

察者也茲錄其切於居家處世者以爲訓而吳中

告諭之語尤有關於風俗人心故并錄之

齊家之道與治國不同臣之在國也有犯無隱若以此道

施之於家則不可家之中不得徑行其直須有委曲默爲

轉移之法

教子弟只是令他讀書他有聖賢幾句話在胸中有特借

訓俗遺規 卷三 語錄 三

聖賢言語照他行事開導之他便易有省悟處課子簿等

讀書嘗至夜分不輟曰吾非望汝早貴少年兒宜使苦苦

則志定將來不失足也

彼此講論務要平心易氣卽有不合亦當再加詳思慮已

商量不可自以爲是過於激辨舍己從人取人爲善聖賢

心傳正在於此否則雖所論極是亦見涵養功疎况未必

盡是乎尤西川先生云讓古人是無志不讓眼前人是好

勝

每見朋友中自己吝於改過偏要議論人過甚至數十年

前偶誤常記在心以爲話柄獨不思士別三日當刮目相

待舜跡之分。只在一念轉移。若向來所爲是君子。一旦改行。卽爲小人矣。向來所爲是小人。一旦改圖。卽爲君子矣。豈可一眚便棄。阻人自新之路。更有背後議人過失。當面反不肯盡言。此非獨朋友之過。亦自己心地不忠厚。不光明。此過更爲非細。以後會中朋友。倘有過失。卽於靜處盡言相告。令其改圖。卽所聞未真。不妨當面一問。以釋胸中之疑。不惟不可背後講說。卽在公會。亦不可對衆言之。令彼難堪。反決然自棄。交祗互礪。日遺月征。庶幾其爲君子。先生撫吳時。問吳中上方山神最靈。祭賽最盛。起於何時。門人范景對曰。相傳是南宋時。沿流到今。靈異之說。皆出

訓俗遺規

卷三 語錄

三

鄉里傳播。先生曰。鬼神福善禍淫。治幽贊化。若來祭享者。方免其禍。不來祭享者。卽降以災。直與世閒貪官行事一般。定是邪鬼決非正神。告諭曰。吳下風俗。每事浮誇粉飾。動多無益之費。外觀富庶。內鮮蓋藏。偶遇災祲。救死不贍。如迎神賽會。搭臺演戲。一節耗費尤甚。釀禍更深。此皆地方無賴棍徒。借祈年報賽爲名。圖飽貪腹。每至春時。出頭斂財。排門科派。高搭戲臺。閨動遠近。男婦羣聚。往觀舉國若狂。廢時失業。田疇菜麥。蹂躪無遺。甚至拳勇惡少。尋釁鬪狠。攘竊荒淫。迷失子女。每每禍端。難以悉數。本院竊爲爾民計。以此無益之費。

而周恤鄉黨親族刊布嘉言美行則人頌好善積累陰功何苦以終歲勤劬所獲輕擲於一日曾有何益

又告諭曰古昔盛時士有庠序學校以樂其羣民有比閭族黨以萃其渙禮讓興行風俗樸茂邇來教化不明人心陷溺父兄之訓戒不先里黨之薰陶無素因之一善未聞多以惡敗至於犯法有司輒執三尺以繩之輕則杖笞重則絞斬每歲讞獄之章常至千餘本院昔承乏綸閣閱諸曹奏牘每至大獄輒反覆不置竊歎孰無父母孰無妻子一旦身罹刑辟莫能救助爲之泣下夫先王以刑弼教非以刑爲教也一言不教而惟刑是加豈父母斯民之意乎

訓俗遺規

卷三

語錄

五三

今奉命撫吳見俗尚浮華人情翫詐訐訟見於宗族仇殺起於比閭泰伯季子之風微而專諸要離之習勝欲挽回末俗馴致醇良條約頻頒未見省改中夜思維人心本善豈盡下愚不移從容漸摩自當感動鄉約之法最爲近古

恭讀

上諭十六條聖人之言廣大精微修身齊家之道遷善遠罪之方總不外此官吏定期每月朔望會集士民於公所其鄉鎮等處各擇一空闕祠宇選年高有德爲鄉人所重者敬謹講說務要明白痛切使人感動平居無事則互相丁寧一有過惡則彼此訶責某存天理某守王法孝親敬長講信修睦敦尚樸實解息忿爭無負聖天子尚德緩刑化民成俗至意

朱栢廬勸言

先生名用純字致一江南崑山人

宏謀按勸言止四則耳。而其義則該括而無遺。充其量。可以希聖賢。否亦不失為寡過。若與之相悖。

則不可以為人矣。先生之尊人節孝先生。名集明

季以諸生殉節。先生茹哀飲痛。自比廬墓。攀栢之

義。故號曰栢廬。潛心聖學。躬行實踐。杜門授徒。多

所成就。讀此可知其制行之篤。而教人之切也。

孝弟。去聲而與夫親又與師事義也。豈不可與夫。

孩提之童。無不知愛其親及其長也。無不知敬其兄。可知

孝親悌長。是天性中事。不是有知有不知。有能有不能者。

訓俗遺規

卷三 勸言

二四

也。昔獨怪今人。財實本是身外之物。強欲求之。不得為恥。孝弟是身內固有。不得如何不恥。又怪今人功名本如旅舍。一過便去。得而復失。則又深恥。孝弟乃是不可復失者。放而不求。如何不恥。不必言古聖賢孝弟之行。如大舜武周泰伯伯夷。各造其極。只如晨省昏定。推梨讓棗。有何難事。而今人甘心不為。極而至於生不能養。死不能葬。大不孝於父母。有無不通。長短相競。大不友於兄弟。噫。是郎孩提時。頃刻不見父母。則哭泣不止。兄弟同牀共席。則相憐相愛之。孝子悌弟也。人皆望長而進德。奈何反至於此。且就人所易能者。立一榜。攬昔老萊子行年七十。身著五衣。

不知是乃所以求生也。儉之爲道第一。要平心忍氣。一朝之忿。不自度量。與人口角。鬪力構訟。經官事過之後。不惟破家。或且辱身。第二要量力舉事。土木之功。婚嫁之事。賓客酒席之費。切不可好高求勝。一時興會。所費不支。後來補苴。或行稱貸。償則無力。逋則喪德。第三要節衣縮食。綺羅之美。不過供人之歎羨而已。若煖其軀體。布素與綺羅。何異。肥甘之美。不過口閒舌片刻之適而已。若自喉而下。藜藿肥甘。何異。人皆以簿於自奉。爲不愛其生。而不知是乃所以養生也。故家子弟。不勤不儉。約有二病。一則紈袴成習。素所不諳。一則自負高雅。無心瑣屑。乃至遊閑放蕩。博奕酣飲。以有用之精神。而肆行無忌。以已竭之金錢。而益喜浪擲。此又不待苟取之爲害而已。自絕其生理矣。孔子曰。謹身節用。以養父母。可知孝弟之道。禮義之事。惟治生者能之。奈何不惟勤儉之爲尚也。

讀書

讀書須先論其人。次論其法。所謂法者。不但記其章句。而當求其義理。所謂人者。不但中舉人進士。要讀書做好人。尤要讀書中舉人進士之讀書。未嘗不求義理。而其重究竟只在章句。做好人之讀書。未嘗不解章句。而其重究竟只在義理。先儒謂今人不會讀書。如讀論語未讀時。是此

等人讀了後只是此等人。便是不曾讀此教人讀書識義理之道也。要知聖賢之書不爲後世中舉人進士而設。是教千萬世做好人。直至於大聖大賢所以讀一句書便要反之於身。我能如是否做一件事便要合之於書。古人是如何。此纔是讀書。若只浮浮泛泛胸中記得幾句古書出口說得幾句雜話未足爲佳也。所以又要論所讀之書。嘗見人家几案閒擺列小說雜劇。此最自悞并悞子弟。亟宜焚棄。人家有此等書便爲不祥。卽詩詞歌賦亦屬緩事。若能兼通六經及性理綱目大學衍義諸書。固爲上等學者。不然者亦只是樸樸實實將孝經小學四書本註置在案

訓俗遺規

卷三

勸言

三

頭嘗自讀教子弟讀卽身體而力行之。難道不成就好人。難道不稱爲自好之士。究竟實能讀書精通義理世間舉人進士舍此而誰不在其身。必在其子孫。

積德

積德之事人皆謂惟富貴然後其力可爲。抑知富貴者積德之報。必待富貴而後積德。則富貴何日可得。積德之事何日可爲。惟於不富不貴之時。能力行善。此其事爲尤難。其功爲尤倍也。蓋德亦是天性中所備。無事外求。積德亦隨在可爲。不必有待。假如人見蟻子入水。飛蟲投網。便可救之。又如人見乞人哀叫。輒與之錢。或與之殘羹剩飯。此

救之與之之心不待人教之也。卽此便是德。卽此日漸做去。便是積。今人於錢財田產卽去經營日積。而於自己所完備之德不思積之。又大敗之。不可解也。今亦須論積之之序。首從親戚始。宗族鄰邨中有貧乏孤苦者。量力周給。嘗見人廣行施與。而不肯以一絲一粟援手窮親。亦倒行而逆施矣。次及於交與。與凡窮阨之人。朋友有通財之義。固不必言其窮阨之人。雖與我素無往來。要知本吾一體。生則賑給。死則埋骨。惟力是視。以全我惻隱之心。次及於物類。全人多少放生。究竟未移。有不須費財者。如任奔走效口舌。解人厄。急人病。周旋人患難。不過勞已之力。更何

訓俗遺規

卷三 勸言

三

容吝。又有不費財。并不勞力者。如隱人之過。成人之善。又如啟蟄不殺。方長不折。步步是德。步步可積。但存一積德之心。則無往而不積矣。不存一積德之心。則無往而爲德矣。要知吾輩今日不富不貴。無力無財。可以行大善事。積大陰德。正賴此惻隱之心。就日常行之中。所見所聞之事。日積月累。成就一箇好人。不求知於世。亦不責報於天。若又不爲是真。當面錯過。也不富不貴。時不肯爲。吾又未知卽富卽貴之果肯爲否也。

訓俗遺規補編原序

先祖父性最喜人讀書。鄉鄰有子弟能讀書者。輒愛而敬之。以鍾珂資性於讀書為近。垂愛異諸孫。不欲以家務紛心。期於有成也。歲辛酉。倅邀鄉薦。待銓縣令。方以隨侍。家大人未敢就職。而學無心得。業無表見。每念祖父期望之殷。家大人庭訓之切。時增慚悚。癸未夏。家大人奉。召入都。擢官京職。長孫蘭森奉職編修。隨侍左右。乃命鍾珂旋里。經紀家事。年來檢閱家中所儲書籍。於先儒語錄中。有益於人情天理。日用倫常者。叅之鄉土民

訓俗遺規

卷四

補編原叙

一

情。型。家。勵。俗。適。相。脗。合。覺。型。家。格。鄉。應。酬。交。際。無。非。學。問。手。錄。若。千。條。寄。呈。都。中。家。大。人。方。輯。補。訓。俗。遺。規。就。中。採。取。卽。以。附。刊。焉。撫。陳。編。而。如。揭。愧。負。教。之。孔。多。因。所。已。知。勵。所。未。逮。鍾。珂。質。雖。駑。鈍。敢。不。勉。旃。乾。隆。己。丑。鍾。珂。謹。識。

... 訓俗遺規補編原序 ... 鍾珂資性於讀書為近 ... 鍾珂謹識

訓俗遺規補摘鈔卷四

商

桂林陳宏謀榕門輯 子鍾珂 理孫蘭森同編校

新吾雜著履貫見前

謹按福善禍淫之天道奢侈貪淫之惡習子孫

正之徵應諸遺規中言之屢矣惟自呂公言之便

親切痛快令閱者警心動魄予實不忍割愛故

又錄此為世警勸

人家子弟宮室車馬衣服飲食童僕器用事事要整齊華

麗豐美充足稍不及人便自媿恥這是一副俗心腸低見

訓俗遺規

卷四 呂子雜註

識你看那老成君子宮室不如人車馬不如人衣服飲食

不如人童僕器用不如人他却學問強似人才識強似人

功業文章強似人較量起來那箇該媿恥

親朋聚集戲謔歡呼把臂拍肩躡足附耳只是耍慙慙親

熱比黨阿狗纒號同心知己稍不稠穠便說淡薄這都是

世俗態兒女情你看那有道交遊德業勸你成就過失責

你改圖或說徃古聖賢或論世間道理不出淫狎言語不

許他人短長不約無益閒遊不幹詭隨刑事較量起來那

箇是好友 直諫多聞之賢友便辟善柔之匪黨形容曲盡損益昭

然。

天與田土而詭稅。天與子孫而隱丁。天與聰明而濟奸。天與勇力而逞暴。天與富足而專利。天與衣冠而害人。天理已虧。天刑罔赦。

此謂之自作孽而人方以爲得意也。奈何。

凶人爲不善。其初非與人違也。指五尺童子而謂之曰。汝他日爲盜。未有不艱。然怒者非佯怒也。彼其惡盜之真情。與不爲盜之本心。確乎其不可移也。然穿窬劫殺者。往往而是。此其人何嘗不過童子之年哉。欲心所斃。一旦爲迷。邪念所積。潛滋已久。忽不自覺。其至是也。

訓俗遺規

卷四

呂子雜註

三

是故爲惡。非天爲善。非命在我而已。吾語人以善爲性之。當爲惡爲理。不可爲。未必吾聽。若夫爲一善。而此心快。愜不必自言。而鄉黨稱譽之。君子敬禮之。鬼神福祚之。身後傳誦之。子孫榮之。爲一不善。而此心愧怍。雖欲掩護。而鄉黨傳笑之。王法刑辱之。鬼神災禍之。身後指說之。子孫羞之。此二者孰得孰失。夫有小善而矜聞小譽。而喜。是人人皆知善之當爲。奈何棄身於惡。而陷此百凶乎。

余作身家盛衰循環之圖。始而困窮。繼而悔悟。因悔悟而習勤苦。因勤苦而知節儉。由節儉而漸至於富足。富足之後。則生驕滿。習豪奢。恣淫暴。必至招禍。變仍歸困窮。此循

環一定之理。細玩此圖。不惟知人事當修抑。又知天道可
懼也。以天所生之物。養天所生之人。均衣平食。俾各不至
饑寒。尚不可得。况富者田連阡陌。金滿箱囊。飫甘饜濃。踏
繡鋪錦。歌兒舞女。醉月眠花。畫棟雕梁。乘堅策肥。其狼籍
暴殄之餘。猶足以嘔重僕。而飽狗彘。乃耕夫織婦。早作夜
勤。耐寒暑。雨。蠶身枯。面。枵腹攢眉。兒。羸女鬻。終歲辛苦。如
馬牛。而一家衣食。如乞丐。又瞽目殘軀。孤兒獨老。菜色鶉
衣。為溝中瘠。為道邊殮者。在在有之。彼富貴者之所棄。餘
乃不足者之所資。以養命者也。既不肯樂施。予以益彼之
不足。又不能崇節儉。以惜己之有餘。天何親何私。已何功
訓俗遺規

卷四 呂子雜註

四

何德而令久享此乎。明者觀於目前。其盛衰可歷。歷指矣。
身不嘗不足之味。龔祖父有餘之業。以享受為當然。以儉
素為恥事。且施予則不能。而慢棄則不甚惜焉。積孽其躬。
獲罪於天矣。

財者天下之財也。流通之物。專之不祥。故其聚也。以貪吝。
其散也。以禍殃。古今厚集。多以禍散。與其禍散也。而累吾
身。孰若以善散也。而積吾德乎。

厚積之家。其害有十一。一則審編屈指。加之重徭。二則貪墨
垂涎。羅以他罪。三則為盜賊所睥睨。性命不能自必。四則
為鄉鄰所嫉妬。幸其災而樂其禍。五則為士君子所鄙羞。

其俗而笑其濁六則爲天道所忌惡其吝而害其奢七則爲子孫之殃益其過而損其志八則爲亂世之憂棄之不忍構之不能九則爲此身之累曰籌算而夜煩勞十則爲臨死牽心憂後人不能保守

自兄弟分而後各自爲家矣各子其子各孫其孫以至于孫又各子孫其子孫而後爲數百家矣乃有離心構怨妬其所樂而惟禍之相幸甚則黨異族以自戕其本支吁薄矣他日稱諸人又未嘗不曰某與某一家也嗟乎所謂一家者顧如此哉此無他名分徒存而情不相洽故也

訓俗遺規

卷四

目子雜註

五

矣離久則但相與耳久則見而喜不見亦不相懷久則離間者得以行其言久則厭相與久則讐或勸之曰汝昔同胞也女兄弟亦自知之曰我昔同胞也然而無損於怨何也油然而情加以日隔之疎入以讒譖之言以堅其不可解之隙區區稱兄謂弟固無補也離合之際可畏哉

情以離而疎誼以遠而薄惟女兄弟更甚

夫水有源塞其源則流絕木有本伐其本則枝枯祖宗者子孫之本源也而昏眊忽之常事弗舉精意不孚視神主一段木耳濕邱墓一坏土耳本源是棄後何以昌吾身所自出薄若秋葉冷若餘灰與滅子絕孫何異乃美爾車裘

華爾宮室。懽樂爾妻子。良心近死。禽耳獸耳。且賤卒貧家。歲未嘗不數具酒食。以宴親友。勸醉勸飽。竭力盡懽。乃歲時生忌。祠墓前一設牲醴焉。仍可以樂妻孥。燕親友。何所勞費。乃視祖宗。不若親友。是尙得齒於人羣乎。是尙可笑。談自若。立於天地之間乎。余故以此媿子孫之厚於身。而薄於祖者。

五鼎羅列。不能起父母。噉一羹。三醴奠酌。不能強父母。嘗一瀝。升降祠前。徘徊墓側。恨不一聲慟哭。徹於九原。故與其致敬於無形。不若承懽於眼見。與其傷心於今日。不如盡心於當時。余故以此悟子孫之厚於祭。而薄於養者。

訓俗遺規

卷四 呂子雜著

六

祭時有此事。亡如存之心者。并亦少矣。豈不可慨。朝廷法度。是該遵守。底聖賢言語。是該聽信。底鬼神陰譴。是該恐懼。底鄉邦公議。是該畏忌。底

富後不足。記得那貧乏時。病後不謹。記得那危篤時。過後不懲。記得那羞辱時。困後不圖。記得那悔恨時。凡人骨肉之好。不終只爲看得爾我二字。大分曉。又看得利字過重。義字漸輕。故骨肉有所不顧耳。

骨肉之漸疎。不如外人之日親。皆此故也。

傅家兩字曰讀與耕。興家兩字曰儉與勤。安家兩字曰讓與忍。防家兩字曰盜與奸。亡家兩字曰淫與暴。休存猜忌。

之心休聽離間之語休作過分之事休專公共之利喫緊
在各求盡分切要在潛消未形子孫不患少而患不才產
業不患貧而患喜張門戶不患衰而患無志交遊不患寡
而患從邪不肖子孫眼底無幾句詩書胸中無一段道理
神昏如醉體懈如癱意縱如狂行卑如巧敗祖宗成業辱
父母家聲是人也鄉黨爲之羞妻子爲之泣豈可入吾祠
葬吾塋乎戒石具在朝夕誦思

○張文端公聰訓齋語 公名英字敦復桐城人康熙丁未進士官文華殿大學士贈太

子太博

桐城張文端公為昭代名賢

聖朝碩輔所著篤素堂集世久已奉為典謨其聰訓齋語

尤於存心立身持家裕後之道真懇篤實深切著

明語語可師此帙不能盡登摘錄此十九條使人

易於遵守亦以見公貽謀垂裕之一斑云

聖賢領要之語曰人心惟危道心惟微危者嗜欲之心如

隄之束水其潰甚易一潰則不可復收微者禮義之心如

帷之暎燈若隱若現見之難兩晦之易人心至靈至動不

訓俗遺規

卷四

聰訓齋語

八

可過勞亦不可過逸惟讀書可以養之每見堪輿家平日

用磁石養鍼書卷乃養心妙物閒適無事之人鎮日不觀

書則起居出入身心無所栖泊耳目無所安頓勢必心意

顛倒妄想生嗔處逆境不樂處順境亦不樂每見人栖栖

皇皇舉動無不礙者此必不讀書之人也古人有言掃地

焚香清福已具其有福者佐以讀書其無福者便生他想

旨哉斯言且從來拂意之事自己不讀書者見之似為我所

獨遭極其難堪不知古人拂意之事有百倍於此者誠一

平心靜觀則人間拂意之事可以渙然冰釋者不讀書則

但見我所遭甚拂逆無窮怨尤嗔忿之心燒灼不寧其苦

爲何如耶。且富盛之事。古人亦有之。炙手可熱。轉眼皆空。故讀書可以增長道心。爲頤養第一事也。

居家最宜早起。倘日高客至。僮則垢面。婢則蓬頭。庭除未掃。竈突猶寒。大非雅事。昔何文端公居京師。同年詣之日。晏未起。久之乃出。客問曰。尊夫人亦未起耶。答曰。然。客曰。日高如此。內外家長未起。一家奴僕其爲奸盜詐僞。何所不至。耶公瞿然自此。至老不晏起。

昔人論致壽之道。有四曰。慈曰儉。曰和。曰靜。人能存心於物。不爲一切害人之事。卽一言有損於人。亦不輕發。推之戒殺。生以惜物。命慎。翦伐以養天和。無論真報不爽。卽胸

訓俗遺規

卷四 聰訓齋語

九

中一段吉祥愷悌之氣。自然災沴不干。而可以長齡矣。人生福享皆有分數。惜福之人。福嘗有餘。暴殄之人。易至罄竭。故老氏以儉爲寶。不止財用當儉而已。一切事常思節省之義。方有餘地。儉於飲食。可以養脾胃。儉於嗜慾。可以聚精神。儉於言語。可以養氣息。非儉於交遊。可以擇友。寡過。儉於醞酢。可以養身。息勞。儉於夜坐。可以安神。舒體。儉於飲酒。可以清心。養德。儉於思慮。可以蠲煩。去擾。凡事省得一分。卽受一分之益。大約天下事。萬不得已者。不過十之一二。初見以爲不可已。細算之。亦非萬不可已。如此。逐漸省去。但日見事之少。白香山詩云。我有一言君記取。世

聞自取。苦人多。今試問勞擾煩苦之人。此事果屬萬不可已者乎。當必恍然自失矣。人常和悅則心氣沖而五臟安。昔人所謂養歡喜神。真定梁公每語人曰。日間辦理公事。每晚家居。必尋可喜笑之事。與客縱談。掀髯大笑。以發舒。一日勞頓鬱結之氣。此真養生要訣。何文端公時曾有鄉人過百歲。公扣其術。答曰。予鄉村人。無所知。但一生只是喜歡。從不知憂惱。此豈名利中人所能哉。

人生於珍異之物。決不可好。昔姚端恪公言。士人於一研一琴。當得佳者。研可適用。琴能發音。其他皆屬無益。良然。磁器最不當好。磁佳者必脆薄。一醜值數十金。僮僕捧持。

訓俗遺規

卷四

聰訓齋語

十

易致不謹。過於矜束。反致失手。朋客歡譫。亦鮮樂趣。此物在席賓主皆有戒心。何適意之有。磁取厚而中等者。不至太粗。縱有傾跌。亦不甚惜。斯爲得中之道也。名畫法書及海內有名翫器。皆不可畜。從來賈禍。招尤可爲龜鑑。購之不啻千金貨。之不值一文。且從來真贗難辨。變幻奇於鬼神。裝潢易於竊換。一軸得善價。繼至者遂不旋踵以僞爲真。以真爲僞。互相訕笑。止可供噴飯。子於歸田之後。誓不著緞。夫古人至貴。猶服三澣之衣。緞之爲物。不可洗。不可染。而其價六七倍於湖州縐。紬與絲。紬佳者三四錢一尺。比於一疋布之價。初時華麗可觀。一

沾灰油。便色改。而不可澣洗。况子素性疎忽。於衣服不能整齊。最不愛華麗之服。歸田後。惟著絨褐。山繭文布。湖紬。期於適體。養性。冬則羔裘。夏則焦葛。一切珍裘細縠。悉屏棄之。不使外物妨吾坐起也。

子性不愛觀劇。在京師。一席之費。動踰數十金。徒有應酬之勞。而無酣適之趣。不若以其費濟困賑急。爲人我利溥也。子六旬之期。老妻禮佛。時忽念誕日。例當設梨園。宴親友。吾家既不爲此。胡不將此費製綿衣袴。百領以施道路。饑寒之人乎。次日爲余言笑而許之。子意欲歸里時。做陸梭山居家之法。以一歲之費。分爲十二股。一月用一分。每日於食用節省。月晦之日。則總一月之所餘。別作一封。以應貧寒之急。能多作好事一兩件。其樂逾於日享大烹之率多矣。但在勉力而行之。

人生適意之事有三。曰富。曰貴。曰多子孫。然是三者善處之。則爲福。不善處之。則足爲累。至爲累而求所謂福者。不可見矣。何則。高位者責備之地。忌嫉之門。怨尤之府。利害之關。憂患之窟。勞苦之藪。謗訕之的。攻擊之場。古之智人。往往望而卻步。况有榮則必有辱。有得則必有失。有進則必有退。有親則必有疎。若但計邱山之得。而不容銖兩之出。天下安有此理。但己身無大謹過。而外來者平淡視之。

此處貴之道也。佛家以貨財爲五項公共之物。一曰國家。二曰官吏。三曰水火。四曰盜賊。五曰不肖子孫。夫人厚積則必經營布置。生息防守。其勞不可勝言。則必有親戚之請求。貧窮之怨望。僮僕之奸騙。大而盜賊之劫取。小而穿窬之鼠竊。經商之虧折。行路之失脫。田禾之災傷。攘奪之爭訟。子弟之浪費。種種之苦。貧者不知。惟富厚者兼而有之。人能知富之爲累。則取之當廉。而不必厚積以招怨。視之當淡。而不必深恃以累心。思我既有此財貨。彼貧窮者不取我。而取誰。不怨我。而怨誰。平心息忿。庶不爲外物所累。儉於居身。而裕於待物。薄於取利。而謹於蓋藏。此處富之道也。至子孫之累。尤多矣。少小則有疾病之慮。稍長則有功名之慮。浮奢不善治家之慮。納交匪類之慮。一離膝下。則有道路寒暑饑渴之慮。以至由子而孫。展轉無窮。更無底止。夫年壽既高。子息蕃衍。焉能保其無疾病痛楚之事。賢愚不齊。升沈各異。聚散無恆。憂樂自別。但當教之孝友。教之謙讓。教之立品。教之讀書。教之擇友。教之儉用。教之作家。其成敗利鈍。父母不必過爲縈心。聚散苦樂。父母不必憂念成疾。但視己無甚刻薄。後人當無悖出之患。己無大偏私。後人自無攘奪之患。己無甚貪婪。後人自當無蕩盡之患。至於天行之數。稟賦之愚。有才而不遇。無因而

致疾延良醫。慎調治。延良師。謹教訓。父母之心盡矣。此處多子孫之道也。予每見世人處好境而鬱鬱不快。動多悔吝。憂戚必皆此三者之故。由不明斯理。是以心褊見隘。未食其報。先受其苦。能盡體吾言於擾擾之中。存熒熒之亮。非熱火坑中清涼散。苦海波中八寶筏哉。

子之立訓。更無多言。止有四語。讀書者不賤。守田者不饑。積德者不傾。擇交者不敗。嘗將四語律身。訓子。夫雖至寒苦之人。但能讀書爲文。必使人欽敬。不敢忽視。其人德性亦必溫和。行事決不顛倒。不在功名之得失。遇合之遲速也。守田之說。詳於恆產瑣言。積德之說。六經語孟諸史百

訓俗遺規

卷四

聰訓齋語

家無非闡發此義。不須贅說。擇交之說。予目擊身歷。最爲深切。此輩毒人如鳩之入口。蛇之螫膚。斷斷不易。決無解

求之說。尤四者之綱領也。人必厚重沈靜。而後爲載福之器。王謝子弟。席豐履厚。田廬僕役無一不具。且爲人所敬禮。無有輕忽之者。視寒賤之士。終年授讀。遠離家室。唇燥吻枯。僅博束修數金。仰事俯育。咸取諸此。應試則徒步而往。風雨泥淖。一步三歎。凡此情形。皆汝輩所習見。仕宦子弟。則乘輿驅肥。卽僮僕亦無徒行者。豈非福耶。乃與寒士。鬻怨天尤人。爭較錙銖得失。寧非過耶。古人云。子之齒者去其角。傅之翼者兩其

足天道造物必無兩全汝輩既事席豐履厚之福又思事
事周全揆之天道豈不誠難惟有敦厚謙謹慎言守禮不
可與寒士同一般感慨歎放言高論怨天尤人庶不爲
造物鬼神所呵責也况父祖經營多年有田廬別業身則
勞於王事不獲安享爲子孫者生而受其福乃又不思安
享而妄想妄行寧不大可惜耶思盡人子之責報父祖之
恩致鄉里之譽貽後人之澤惟有四事一曰立品二曰讀
書三曰養身四曰儉用世家子弟原是貴重更得精金美
玉之品言思可道行思可法不驕淫不詐僞不刻薄不輕
洩則人之欽重較三公而更貴子行年六十有一生平未

訓俗遺規

卷四 聰訓齋語

七

嘗送一人於捕廳令其呵譴之更勿言笞責願吾子孫終
守此戒勿犯也不足則斷不可借貸有餘則斷不可放債
權子毋起家惟至寒之士稍可若富貴人家爲之歛怨養
姦得罪招尤莫此爲甚鄉里間荷擔負販及傭工小人切
不可取其便宜此種人所爭不過數文我輩視之甚輕而
彼之含怨甚重每有愚人見省得一文以爲得計而不知
此種人心忿口碑所損實大也待下我一等之人言語辭
氣最爲要緊此事甚不費錢然彼人受之同於實惠只在
精神照料得來不可憚煩易所謂勞謙是也子深知此理
然苦於性情疎懶憚於趨承故我惟思退處山澤不見要

人庶少斯過。終日懍懍耳讀書。固所以取科名。繼家聲。然亦使人敬重。今見貧賤之士。果胸中淹博。筆下氤氳。則自然進退安雅。言談有味。即使迂腐不通方。亦可以教學。授徒爲人師表。至舉業。乃朝廷取士之具。三年開場大比。專視此爲優劣。人若舉業高華秀美。則人不敢輕視。每見仕宦顯赫之家。其老者或退或故。而其家索然者。其後無讀書之人也。其家鬱然者。其後有讀書之人也。山有猛獸。則藜藿爲之不採。家有子弟。則強暴爲之改容。豈止掇青紫榮宗祊而已哉。予嘗有言曰。讀書者不賤不專。爲場屋進退而言也。父母之愛子。第一望其康寧。第二冀其成名。第

訓俗遺規

卷四 聰訓齋語

三願其保家。論語曰。父母惟其疾之憂。夫子以此答武伯之問。孝至哉。斯言安其身以安父母之心。孝莫大焉。養身之道。一在謹嗜慾。一在慎飲食。一在慎忿怒。一在慎寒暑。一在慎思索。一在慎煩勞。有一於此。足以致病。以貽父母之憂。安得不時時謹凜也。吾貽子孫。不過瘠田數處。且甚荒蕪不治。水旱多虞。歲入之數。僅足以免饑寒。畜妻子而已。一件兒戲事。做不得一件高興事。做不得生平最喜陸梭山過日治家之法。以爲先得我心。誠做而行之。庶無鬻產蕩家之患。子有言曰。守田者不饑。此一語足以長世。不在多言。凡人少年德性不定。每見人厭之曰。慳。笑之曰。嗇。

謂之曰儉。輒面發熱。不知此最。是美名人肯以此謂之亦最。是美事不必避諱。人生豪俠周密之名。至不易副。事事應之一事不應。遂生嫌怨。人人周之一人不周。便有形迹。若平素儉嗇。見諒於人。省無窮物力。無窮嫌怨。不亦至便乎。四者立身行己之道。已有崖岸。而其關鍵切要。則又在於擇友。人生二十內外。漸遠於師保之嚴。未躋於成人之列。此時知識大開。性情未定。父母之訓不能入。卽妻子之言亦不聽。惟朋友之言甘如醴。而芳若蘭。脫有一淫朋匪友。闖入其側。朝夕浸灌。鮮有不爲其所移者。從前四事。遂蕩然而莫可收拾矣。此子幼年時知之最切。今親戚中倘

訓俗遺規

卷四

聰訓齋語

共

有此等之人。則蹤跡常令疎遠。不必親密。若朋友則直以不識其顏面。不知其姓名爲善比之毒草。啞泉更當遠避。芸圃有詩云。於今道上。挪揄鬼原是。尊前嫵媚人。蓋痛乎其言之矣。擇友何以知其賢否。亦卽前四件能行者爲良友。不能行者爲非良友。

法昭禪師偈云。同氣連枝各自榮。些些言語莫傷情。一回相見一回老。能得幾時爲弟兄。詞意藹然。足以啓人友于之愛。然子嘗謂人倫有五。而兄弟相處之日最長。君臣之遇合。朋友之會聚。久速固難必也。父之生子。妻之配夫。其早者皆以二十歲爲率。惟兄弟或一二年。或三四年相繼。

而生自竹馬遊戲。以至鮐背鶴髮。其相與周旋。多者七八十年之久。若恩意淡洽。猜閒不生。其樂豈有涯哉。

與人相交一言一事。皆須有益於人。便是善人。余偶以忌辰著朝服出門巷口。見一人遙呼曰。今日是忌辰。余急易之。雖不識其人。而心感之。如此等事。在彼無絲毫之損。而於人爲有益。每謂同一禽鳥也。聞鸞鳳之名。則喜。聞鴝鵒之聲。則惡。以鸞鳳能爲人福。而鴝鵒能爲人禍也。同一草木也。毒草則遠避之。參苓則共寶之。以毒草能鳩人。而參苓能益人也。人處心積慮。一言一動。能皆思益人而痛戒損人。則人望之若鸞鳳。寶之如參苓。必爲天地之所佑。鬼神之所服。而享有多福矣。此理之最易見者也。

訓俗遺規

卷四

恩訓齋語

七

古稱仕宦之家。如再實之木。其根必傷。旨哉斯言。可爲深鑒。世家子弟。其修行立名之難。較寒士百倍。何以故。人之當面待之者。萬不能如寒士之古道。小有失檢。誰肯面斥其非。微有驕盈。誰肯深規其過。幼而驕慣。爲親戚之所優容。長而習成。爲朋友之所諒恕。至於利交。而詔相誘。以爲非勢交。而諛相倚。而作慝者。又無論矣。人之背後稱之者。萬不能如寒士之直道。或偶譽其才品。而慮人笑其逢迎。或心賞其文章。而疑人鄙其勢利。甚且吹毛索疵。指摘其過失。而以爲名高。批枝傷根。訕笑其前人。而以爲痛快。至

於求利不得而嫌隙易生。於有無依勢不能而怨毒相形。於榮悴者又無論矣。故富貴子弟人之當面待之也。恆怨而背後責之也。恆深如此。則何由知其過失而顯其名譽乎。故世家子弟其謹飭如寒士。其儉素如寒士。其謙沖小心如寒士。其讀書勤苦如寒士。其樂聞規勸如寒士。如此則自視亦已足矣。而不知人之稱之者尚不能如寒士。必也謹飭倍於寒士。儉素倍於寒士。謙沖小心倍於寒士。讀書勤苦倍於寒士。樂聞規勸倍於寒士。然後人之視之也。僅得與寒士等。今人稍能謹飭儉素謙下勤苦。人不見稱。則曰世道不古。世家子弟難做。此未深明於人情物理之故者也。我願汝曹常以席豐履盛爲可危可慮。難處難全之地。勿以爲可喜。可幸。易安易逸之地。人有非之責之者。遇之不以禮者。則平心和氣。思所處之時勢。彼之施於我者。應該如此。原非過當。卽我所行十分全是。無一毫非理。彼尚在可恕。况我豈能全是乎。古人有言。終身讓路不失尺寸。老氏以讓爲寶。左氏曰。讓德之本也。處里閑之閒。信世俗之言。不過曰漸不可長。不過曰後將更甚。是大不然。人孰無天理良心。是非公道。揆之天道。有滿損虛益之義。揆之鬼神。有虧盈福謙之理。自古祇聞忍與讓。足以消無窮之災。未聞忍與讓。翻以釀後來之禍患也。欲行忍讓之

訓俗遺規

卷四

聰訓齋語

道先須從小事做起。余曾署刑部事五十日。見天下大訟大獄。多從極小事起。君子謹小慎微。凡事只從小處了。余行年五十餘。生平未嘗多受小人之侮。只有一善策。能轉灣。早耳。每思天下事。受得小氣。則不至於受大氣。吃得小虧。則不至於吃大虧。此生平得力之處。凡事最不可想占便宜。子曰。放於利而行。多怨。便宜者。天下人之所共爭也。我一人據之。則怨萃於我矣。我失便宜。則衆怨消矣。故終身失便宜。乃終身得便宜也。汝曹席前人之資。不憂饑寒。居有廬室。使有臧獲。養有田疇。讀書有精舍。良不易得。其有遊蕩非僻。結交淫朋匪友。以致傾家敗業。路人指爲笑談。親戚爲之浩歎者。汝曹見之。聞之。不待余言也。其有立身醇謹。老成儉樸。擇人而友。閉戶讀書。名日美而業日成。鄉里指爲令器。父兄期其遠大者。汝曹見之。聞之。不待余言也。二者何去。何從。何得。何失。何芳如芝蘭。何臭如腐草。何祥如麟鳳。何妖如鴆鵠。又豈俟子言哉。

恒產瓊言附

三代而上。田以井授。雖至貴鉅富。求數百畝之田。貽子及孫。不可得也。後世旣得給價書契。而買之矣。國家版圖。聽人畫界分疆。使後人善守而不輕棄。則子孫百世。斷不能爲他人所有。深念及此。其可不思所以保之哉。

天下之物有新有故。屋久而頽。衣久而敝。臧獲牛馬。服役久而老且死。獨田之爲物。雖百千年常新。卽農力不勤。土敝產薄。一經糞溉。則新矣。或荒蕪草宅。一經懇闢。則新矣。多興陂池。則枯者可以使之潤。勤薊茶蓼。則瘠者可以使之肥。亘古及今。無有朽蠹頽壞之慮。是洵可寶也。

子與友人陸子洵若談及謀生之計。陸子曰。予閱世故多矣。典質貿易。權子母。斷無久而不弊之理。始雖乍獲厚利。終必化爲子虛。惟田產房屋二者。可持以久遠。以二者較之。房舍又不如田產。何以言之。房產乃向人索租錢。長短不一。易有爭較之事。佃戶秋穀登場。必先完田主之租。而後分給私債。取其所本有。而非索其所無。與者受者。皆可不勞。且力田皆愿民。與市厘商賈之狡健者不同。以此思之。房產殆不如也。予至今有味乎陸子之言。

今人家子弟。鮮衣怒馬。恒舞酣歌。一裘之費。動至數十金。一席之費。動至數金。不思吾鄉十餘年來。穀賤。竭十餘石。穀不足供一筵。竭百餘石。穀不足供一衣。安知農家作苦。終年需體塗足。豈易得此百石。况且水旱不時。一年收穫不能保。諸來年。以如玉如珠之物。而賤價糶之。以供一裘一席之費。豈不深可懼哉。古人有言。惟土物愛。厥心臧。故子弟不可不令其目擊田家之苦。開倉糶穀時。當令其持

籌使稍有知覺。當不忍於浪擲。奈何深居簡出。但知飽食。賸衣絕不念物力之可惜。而泥沙委之哉。

天下貨財所積。則時時有水火盜賊之憂。珍異之物。尤易招尤速禍。草野之人。有十金之積。則不能高枕而卧。獨有田產。不憂水火。不憂賊盜。雖有強暴之人。不能竟奪尺寸。雖有萬鈞之力。亦不能負之而趨。千頃萬頃。可直萬金之產。不勞一人守護。卽有兵燹離亂。背井去鄉。事定歸來。室廬畜聚。一無可問。獨此一塊土。張姓者仍屬張。李姓者仍屬李。芟夷墾闢。仍爲殷實之家。嗚呼。舉天下之物。不足較其堅固。其可不思所以保之哉。

訓俗遺規

卷四

恒產瑣言

五

田產出息最微。較之商賈不及三四。然月計不足。歲計有餘。歲計不足。世計有餘。嘗見人家子弟。厭田產之生息微。而緩羨貿易之生息速。而饒。至鬻產以從事。斷未有不全家蕩費者。無論愚弱者不能行。卽聰明強幹者亦行。必敗之而人思取財於人。不若取財於天地。余見放債收息者。二年五年得其息。如其所出之數。其人已嘵嘵有詞矣。不然則怨於心。德於色。浸假而並沒其本。間有酷貧之士。得數十金。可暫行於一時。稍裕則不能矣。惟田地則不然。薄植之而薄收。厚培之而厚報。或四季而三收。或一歲而再種。中用以種稻麥。旁畦餘隴。以植蒨菽衣棉之類。有尺寸之壤。

則必有錙銖之入。故曰地不愛寶。此言最有味。始而養其祖父。既而養其子孫。無德色。無倦容。無竭歡。盡忠之怨。有日新月。盛之美。受之者無愧怍。享之者無佗虞。雖多方以取。而無罔利之咎。不勞心計。不受人忌疾。田產不可鬻。而世之鬻產者比比而然。聰明者亦多爲之。其根源多在債負。債負之來。由於用度不經。不知量入爲出。至舉息既多。計無所出。不得不鬻累世之產。故用度不經者。債負之由也。債負者。鬻產之由也。鬻產者。饑寒之由也。欲除鬻產之根。則有陸梭山量入爲出之法。始無舉債之事。若一歲所入。止給一歲之用。一遇水旱。則產不可

訓俗遺規

卷四 恒產瑣言

古之人意全在小處。節儉大處之不足。由於小處之不謹。月計不足。由於每日之用過多也。此外則有賭博狎邪。侈靡其爲敗壞者。無論矣。更有因婚嫁而鬻業者。夫有男女。則必有婚嫁。只當以豐年之所積。量力治裝。奈何鬻累世仰事俯育之具。以供一時之華美。豈既婚嫁後。遂可不食而飽。不衣而溫乎。處承平之日。行量入爲出之法。自不致狼狽困頓。而爲鬻產之事。惟一遇兵燹水旱。則必逃亡。逃亡則田必荒蕪。此時賦稅必多。而且急。數端相因而至。有田之家。其爲苦累較常人更甚。此時輕棄賤鬻。以圖免追呼。必至之勢也。然

天下亂時日少。太平日多。及其平定而產業既鬻於人。向時富厚之子。今無立錫矣。此時當大有忍力。咬定牙根。平時少有積蓄。或鬻衣服。或鬻簪珥。藉以完糧。打疊精神。招佃闢墾。凡百費用。盡從吝嗇。千辛萬苦。以保守先業。太約不過一二年。過此凶險。仍可耕耘收穫。不失爲殷厚之家。譬如熬過隆冬。沍寒。春明一到。仍是柳媚花明矣。此際全看力量產不可鬻。而守之有道。不可不講。不善經理。付之童僕之手。任其耗蠹。積日累月。沃者變而爲瘠。潤者化而爲枯。稍瘠者化而爲石田。田瘠而畝不減。入少而賦不輕。平時僅可支持。一遇水旱。催科則立槁矣。是田本爲養生之物。變

訓俗遺規

卷四

恒產瑣言

三

而爲累身之物。且將追怨祖父。留此累物。以貽子孫。予見此亦不少矣。然則如之何。而可欲無鬻產。當思保產。欲保產。當使盡地利。盡地利之道有二。一在擇莊。佃一在興水利。諺云。良田不如良佃。此最確論。良佃之益有三。一在耕種及時。一在培壅有力。一在畜洩有方。古人言農最重時。早種一月。有一月之益。故冬最良。春次之。早種一日。有一日之益。故晚禾必在秋前。一日至培壅。則古人所云百畝之糞。又不如年糞其田。而不定用力如此。一畝可得兩畝之入。地不加廣。畝不加增。佃有餘。而主人亦利矣。蓄亦屬水最有緩急。先後當掇。則掇當待。則待當棄。則棄惟有良

農老農知之。人家童僕管莊務。每喜劣佃。不如喜良佃。良佃則家必殷實。體面不肯諂媚人。且性必梗直。撲野飲食。必節儉。又不聽童僕之指使。劣佃則必惰而且窮。諂媚童僕。聽其指使。以任其饕餮。種種情狀不同。此所以性喜劣佃而不喜良佃。至主人之田疇。美惡。彼皆不顧。且又甚樂於水旱。則租不能足額。而可以任其高下。此積弊。佃習不知。良佃所居。則屋宇整齊。塲圃茂盛。樹木葱鬱。此皆主人童僕力之所不能及。而良佃自爲之。劣佃則件件反是。此擇莊佃第一要務也。

禾在田中。以水爲命。諺云。肥田不敵瘦水。雖有膏腴。若水

訓俗遺規

卷四

恒產瑣言

七

澤不足。則亦等石田矣。江南有塘有堰。古人開一畝之田。則必有一畝之水。以濟之後人。狃於多雨之年。塘堰都不修治。夫塘宜深且堅。固余曾過江寧南鄉。其田最號沃壤。其塘甚小。不及半畝。詢之士人。知其深且陡。有及二丈者。故可以潮數十畝之田。而不匱。吾鄉塘最多。且穴有數畝者。有十數畝者。然淺且漏。大雨後亦不滿。稍旱則露底。田待此爲命。其何益之有哉。向後興塘築堰。必躬自閱視。若有雨之年。塘猶不滿。其爲滲漏。可知。急加培築。大抵劣農。性惰。見識淺陋。每徼倖於歲之多雨。而不爲預脩。童僕既以此開入花帳。又不便向主人再說。一遇亢旱。田禾立槁。

日積月累。田瘠莊敝。租入日少。勢必鬻變。此興水利爲第一要務也。若不知務此而止云。保守前業。勢豈能由已哉。子弟每年春秋。當自往莊細看。平時無事。亦可策蹇一往。然徒往無益也。第一當知田界。田界不易識也。令老農指視一次。不能記。而再三。太約五六次。便熟。有疑處。便問之。勿以曾經問過。嫌於再問。恐被人譏笑。則終身不知矣。第二當察農夫用力之勤惰。耕種之早晚。蓄積之厚薄。人畜之多寡。用度之奢儉。治田善否。以爲優劣。第三當看塘堰之堅。窳淺深。以爲興作。第四察山林樹木之耗長。第五訪稻穀時值之高下。期於真知確見。若聽童僕之言。深入茅

訓俗遺規

卷四

恒產瓊言

重

檐一坐。一飯一宿。目不見田疇。足不履阡陌。童僕糾諸佃人環繞。諠譁。或借稱種。或借食租。或稱塘漏。或稱屋傾。以此恫喝主人。主人爲其所窘。匆遽而歸。問其疆界。則不知。問其孰勤孰惰。則不知。問其林木。則不知。問其價值。則不知。何益之有。此予少年所身歷者。至今悔之。

大約人家子弟。最不當以經理田產爲俗事鄙事。而避此名。亦不當以爲故事而襲此名。細思此等事。較之持鉢求人奔走。躡嚙。孰得孰失。孰貴孰賤哉。

人家富貴暫時之榮寵。所恃以長子孫者。畢竟是耕讀兩字。子弟有二三千金之產。方能城居。何則。二三千金之產。

豐年有百餘金之入。自薪炭蔬菜雞豚魚蝦醢醢之屬。親戚人情應酬宴會之事。種種皆取辦於錢。豐年則穀賤。歉年穀亦不昂。僅可支吾。或能不致狼狽。况居鄉則可以課耕。數畝其租倍入。可以供八口。雞豚畜之於柵。蔬菜畜之於圃。魚蝦畜之於澤。薪炭取之於山。可以經旬屢月。不用數錢。且鄉居則親戚應酬寡。卽偶有客至。亦不過具雞黍。女子力作。可以治紡績。衣布衣策。寒驅不必鮮華。凡此皆城居之所不能。且耕且讀。延師訓子。亦甚簡靜。囊無餘蓄。何致爲盜賊所窺。

鄉居山水間。優游俯仰。復有自得之樂。而無窘迫之憂。人

訓俗遺規

卷四

恒產瑣言

三

苦不深察耳。果其讀書有成。策名仕宦。可以城居。則再入城居。一二世而後。宜於鄉居。則再往鄉居。鄉城耕讀相爲循環。可久可大。豈非吉祥善事哉。况且世家之產。在城不過取其額租。其山林湖泊之利。所遺甚多。此亦勢不能兼。若貧而鄉居。尚有遺利可收。不止田租而已。此又不可不知也。

聰訓齋語恒產瑣言終

耕讀堂雜錄

戴言行彙纂 中未詳姓氏

謹按一門之內。物力不齊。賢愚不一。或以耕而佐讀。或以讀而兼耕。量材而授。亦善教之方也。張文瑞公恒產瑣言。已備言之。耕讀堂雜錄。士子以耕佐讀。濟窮乏。免饑寒。此時不至困貧失志。異日筮仕。任臨民。周知稼穡艱難。勞農勸相。較為切實。固不獨不。僅有益鄉農田功而已。

士子株守章句。幸博一第。出身加民。如貪贓虧帑。欺公冒銷。寧守拙而不敢為。故雖做官。仍是寒士。退林家食。若起滅詞訟。攬課侵肥。武斷鄉曲。把持官府。此下流不肖之徒。訓俗遺規。

卷四

耕讀堂雜錄

五

少顧廉恥。寧甘蹈此。百工技藝。一無所能。呼爾蹴爾。又不屑受讀之外。舍耕何以為生也。母見讀書舊族。其承受世業。愈分愈薄。鋪排則有餘。核實則不足。粧飾門面。不知勤儉積蓄。不念衣食從來。一惹一某。買之市肆。男不耕。女不織。眼前尚在支吾。一經水旱婚喪等事。立見窮乏矣。又有舊家子弟。祖先固是名人。親族亦登仕版。然本身現在貧賤。則行乎貧賤。其本分也。乃身不遊賢宮。仍作儒生之態。口稱先人某公。親族某人。為聳動誇張之具。問以力田。則曰。我輩事也。饗殮不給。何斷不為又有種青衫志圖。館無奈束修微薄。仰事俯育不足時。

倘一失節。則狼狽更甚。再四商確。惟自食其力。不至於啼
餓號寒。莫如以讀而兼耕。古人帶經而鋤。負薪掛角。原是
志向遠大。以讀兼耕。尚不致一時放空。若讀書鮮所成就。
改業務農。則必專心致志。竭力南畝。毋貪眠嬾起。毋人忙
我閒。毋以應酬而荒力作。毋以遊戲而失農時。三時之暇。
耕作之餘。仍可誦讀。學原不諱言農耕。亦無妨於讀也。
陸放翁曰。子孫不可不使讀書。貧則教訓童蒙。以給衣食。
若能布衣草履。從事農圃。足跡不至城市。大佳。切不可迫
於衣食。爲市井小人事耳。

富貴之後。坐食而無生理。家計日貧。人勸之躬耕。則云不
訓俗遺規

卷四

耕讀堂雜錄

三六

耐勞苦。勸之生理。則云苦之本資。細微經紀。力可勉爲。乃
不屑爲。以爲有玷家聲。未幾貧困至極。下流污行。無不爲
焉。何向者無玷家聲之事。乃不屑爲。而後日大玷家聲之
事。竟甘心爲也。

儒家耕種。原未諳悉。最宜耐心。若貪多欲速。其願不酬。則
曰此原非我家所爲之事也。旁觀者亦曰。此固非若我輩
所能勝任也。退悔心生。旋作旋止。必至衣食無資。爲天下
廢人。終且爲天下匪人矣。

儒者不諳農功。須於耕耨時。僱覓誠實鄉民。深曉農務者。
令其率同在家僮僕。如法耕耘。車水上糞。業主卽履畝督

視可以稽其勤惰。察訪其土宜物性。則一二年亦可得其大槩。至三四年自能精曉矣。

田忌旱以蓄水爲利。田怕潦以洩水爲利。蓄洩之法全在因地制宜。如近潮則隨潮灌注。近河則倚河車蔭。近泉則泉源漸漬。此水利之因乎自然也。若平原高亢之地。則宜廣濬塘池。堅築陂壩。窪下之區。則宜多挑溝洫。深濬幹流。此水利之資乎人力也。

閩中水利以迎潮築塘爲宜。江南水利淮徐揚以廣挑溝洫。疏通歸海爲宜。大江以南。則以開池塘。疏淤河。濬蕩湖爲宜。關中水利高阜。則以沿山開渠。層層引灌爲

訓俗遺規

卷四

耕讀堂雜錄

五

宜平地。則以穿井爲宜。前撫崔公廣行穿井。內有地高泉深。必不可井者。行之過急。遂滋物議。一槩停止。後經查勘。分別可否。高地泉深五六丈。方能得泉。及水者。不必勉強穿鑿。如附近省會之西。邠乾等郡。有穿至丈餘二三丈。即可得泉者。正宜鑿井。數年以來。修舊井。鑿新井。至數千眼。履畝所見。一望青葱者。皆有井之地。其中尚有可開未開者。相其地之高下。泉之淺深。多開一井。即可保四五畝。不苦旱之田。此原資於民力。而鼓舞督率。借給工資。則不能不藉官力也。

人力既盡。異常水旱。終不能免。若久旱而得甘雨。盈潦而

經涸出。則務及時補種。紅稻晚穀。綠荳蕎麥。趕種雜糧。尚可望收。毋徒求官報災。希冀給賑免糧也。

小小旱潦。不圖及時補種。坐待蠲賑。此奸愚慣計。既係以讀而兼耕。尤宜明理守分。不可倡此惡風。村鄰有社倉。更當倡率奉行。助成義舉。以備緩急。更不可倚仗。矜監於中。隱射負欠。阻撓良法也。

以讀兼耕。有十便。習於勞苦。勞則善心生。一也。治家不期勤而勤。不期儉而儉。二也。一應蔬菜柴火之物。不必向市集買。三也。婦女不染城市繁華粧飾之習。四也。讀書之暇。種竹蒔蔬。有一種生趣。五也。與田夫野老。談桑麻事。歷歷

訓俗遺規

卷四

耕讀堂雜錄

三

可聽。且並無機械語。六也。早完官稅。門庭清淨。歲晚餘閑。家室團聚。婦子歡然。七也。擇村野中之可造就者。引而進之。指點讀書行文之法。八也。與鄉愚講明禮義。道以孝弟忠信。九也。日後做官。巡幸郊野。勸課農桑。事皆閱歷。與農夫講田功。洞悉甘苦。語皆切要。不同泛談了事。十也。

紳士之家。雖兼耕種。其禮義法度。講讀課文。更宜加嚴。書香不絕。不失舊家風範。毋謂耕可廢讀也。

男以男職。女以女紅。各有其業。各盡其勤。而後家道可成也。周禮以九職任萬民。七曰嬪婦。化治絲枲。內則曰。女子十年不出。姆教婉婉聽從。執麻枲。治絲繭。織組紉。學女

事以供衣服。古制五畝之宅，樹墻下以桑。匹婦蠶之男耕於野，女織於家。庶人之職也。葛覃之詩，美后妃之尊躬親勤勞也。采蘋之什，歌夫夫之妻能奉祭祀也。且天子必有公桑蠶室，重婦功也。周禮宅不毛者，罰里布。警婦惰也。詩云：不績其麻，市也。婆婆刺女，紅之不事也。議生計者，女工誠不可緩。浙之杭嘉湖，江之蘇松常，蠶以治絲，織以成布。一歲而數百萬之大利，皆女工所自出也。

天下隨地皆有桑麻棉紵，則隨地皆宜蠶績紡織。粗而織，薄編，蕭細而針，將剪裁，皆婦職所優。爲貧賤之家，一日所入不足餬一日之口，似乎勞而無補。然朝夕養殮，卽安居。

訓俗遺規

卷四

耕讀堂雜錄

三

無事亦不可少。與其坐食虛糜，何不尋本分工作。庶可朝進一文，況漸而積之，則將累少成多也。至於富貴之家，知婦工爲四德之一，不可以逸而忘勞。且既富貴，則媵婢必多。爲主婦者，尤當以身先之，俾之通力合作。一縑一布，既可供公子之裳，爲絺爲綌，更可服之無數。若舉室鉛華膏沐，習於晏安，不識機杼爲何物，豈所以嚴內教而長子孫哉。士庶之家，尤必相率而供蠶織之勤，相習而求績紡之益。書聲與杼聲相續，餘布與餘粟相資。女工所入日計之，所獲甚微，月計歲計之，一家之進益不少。此女工之利，亦所以佐耕讀而資生計也。

豳風諸詩。蠶利始於關中。繼因桑樹漸枯。蠶織遂廢。今則獨盛於江浙矣。議者皆以北地產馬。馬蠶不能並行。其說謬甚。豈關中養馬始於今日耶。予撫秦時。有興平楊監生岫家居。首先種桑養蠶。并以此倡率鄉人。織繭繅絲。著有豳風廣義一書。予因其有益於關中蠶政。招之來省。設立蠶館。發給工本。養蠶織繅。屢經奏明。每年供進御之用。荷蒙

聖主嘉納。今楊生衰老。不能專司其事。有朱孝廉石琪於蠶館。教人繅織。廣種桑秧。鄉人知種桑養蠶。繅絲隨在皆可得利。聞俱踴躍從事。至於山蠶。別爲一種。山中櫛椽。訓俗遺規。卷四 耕讀堂雜錄 三

青杠柞樹。及庄村之椿樹。皆可飼養。陝省椿樹。自生自長。不須種植。郊村原野。處處有之。櫛椽等樹。則鳳翔之岐山。漢中之鳳縣。寧羌。南北棧中。徧山皆櫛。就地立爲蠶廠。更不費力。久奉

勅行山東。將山蠶事宜。刻本送各省。令隨地效法。關中寧羌。向有劉牧養繭成絀。咸稱爲劉公絀。近來督理無人。不甚如法。民間以利微。中止。近如郿縣令紀君虛。中於山東。覓人來郿。立爲蠶長。廣行教習。咸寧令柳君大任。試養椿蠶。通判張君文信。倡行鳳翔。均已成繭。無論官紳。果有耐煩樂善之人。首倡養蠶。繼續推廣。設法防護。家

蠶山蠶椿蠶均可望其有成。官斯土者尙其加之意焉。三農九穀之外均有足以佐日用之需。爲生財之計者。如木棉茶葛。棗栗柿梨及桃李林禽諸雜菓。隨處皆是也。田園之播種。若芋若瓜若薑蒜若蘿蔔及各種時蔬。水澤之滋生。若菱芡蓮藕等類。皆足佐盤飧而通財貨。此外如桐柏之爲油。竹木之利用。種難盡列。其利尤普。全賴有人焉。因其地之所宜。樹藝如法。栽培灌溉。毋憚煩勞。毋厭瑣屑。毋欲速苟且。致勤於一種。必收一種之利。小之可以充口腹。供日用。大之可以通商販。致富饒。此樹藝之足資生計者。人無遺力。則地無遺利矣。

訓俗遺規

卷四

耕讀堂雜錄

三

煙之爲物。前古所未聞。原非生計必需。種煙之地。旣需膏腴。而糞力更倍於他種。若以藝煙之地。與糞移之於稻粱。菽麥。合天下一歲所收。不下數千萬斛矣。

沃壤種煙。有妨五穀。久有禁煙之議。奈食煙者。十人而九。相習已久。不能驟改。治以厲禁。是以口腹而犯法。非政體所宜。向曾計議。不必禁食煙。亦不必禁種煙。種煙者。止許種於城內隙地。菜園。不許種於田野。田野種煙。人人共見。半年方收。官將煙樹砍伐。人知有種。無敢將不禁。自止矣。菜園仍許種煙。並非一槩禁止。現在極貧下賤。無不食煙之人。行止坐卧。無不喫煙之時。固由相

習亦由價賤。人人可食。若煙少價貴。則無力者不能食。煙有力者亦必少食。原無妨於饑飽。且有益於生計。事既不煩。民亦不擾。惟關心民食者體察而力行之。

凡樹藝之家。下得一分工力。便有一分利益。謀生者有田可耕。固耕之。有地宜桑。固桑之。其高阜平原。可以樹藝他種者。遍行栽植。卽田塍地角。墻陰屋側。亦可隨地栽植。灌溉及時。不出數年。便可茂鬱成林。取材落實。荒坵砂磧。亦可雜植散材。此卽農家恒產。切勿視爲灌園故事。場師小近見稻田之埂。點種青黃豆。河灘斜岸。布種高糧。山坡嶺側。布種包穀。在在收成。餘可類推。

訓俗遺規

卷四

耕讀堂雜錄

三

小民拘於其習。不能旁通耕法。囿於其地。不能廣購嘉種。所賴有遠識。見具大力量。肯耐煩之仁人君子。博訪之。遠覓之。歷試之。詳教之。使民知可播者非一穀。可樹者非一果。可耕者非一地。可蓄者非一物。盡人力。順天時。無非仰事俯育之資。

閩省有地瓜一種。相傳來自海外。故名番薯。味甘。可以養人。又名甘薯。可以截藤而種。可以切果而種。沙土尤易生長。比種穀麥。一畝有數畝之獲。閩省藉此充每年一季之糧。向止海疆產此。近則漸及江浙。東西粵矣。西北向不知有此物。予前任陝西。令閩員購種來陝。官爲試種。業已成熟。所收較豐。陝民爭先學種。惟入冬嚴寒。種難久貯。近聞地窖藏種。經冬不壞。種者更多。城鄉街市。皆有賣者。從此可以廣種矣。所云小民囿於其習。不能旁通耕法。遠購嘉種。必賴有力者爲之博訪倡率。方能有成信然。

高深甫尊生箋

公名濂字深甫
浙江杭州人

謹按節飲食以養身省嗜慾以養心皆所以衛生而惟恐其損傷故謂之尊生也高君所著八箋本爲修養家說法而名之曰尊生正合衛生之義今所錄者雖兼及釋老家言而於聖賢誠中形外之理正心修身之道意可參觀理不相悖學者卽此可以得衛生真諦毋以其爲修養家言而忽之末載處境濟世諸條尤見心無愧怍有濟民物非釋老之談元說空比也

不怨天不尤人行有不得反求諸己心境何等平靜

訓俗遺規

卷四 尊生箋

三

世人與人不合卽尤人纔不得於事卽怨天心忿志勞無一時之寧泰是豈安命順時之道
心可逸形不可不勞道可樂心不可不憂

二條該括聖賢修身立命率性修道之工夫絕非釋老空寂放誕之異論

佛言苦樂逆順道在其中夫素富貴行乎富貴素貧賤行乎貧賤素患難行乎患難聖賢隨遇而安何有苦樂逆順之異苦樂逆順以吾道處之則無不可

此卽素位而行之境地無入不自得之學問也

衣垢不渝器缺不補對人猶有慚色行垢不渝德缺不補

對天豈無愧心。

吾人不可以不知命。人之所志無窮。而所得有限者。命也。命不與人謀也。久矣。安之。故常有餘。違之。則常不足。惟介以植內。和以應外。聽其自來。是安命也。

泛交不若寡交。多求不若慎守。

人心思火。則體熱。思水。則體寒。怒則髮豎。驚則汗滴。懼則肉顫。愧則面赤。悲則淚出。慌則心跳。氣則麻痺。言酸則垂涎。言臭則吐唾。言喜則笑。言哀則哭。笑則貌妍。哭則貌媿。又若日有所見。夜必夢。履日有所思。夜必譫。語夢交。則泄精。氣怒則發狂。此皆因心而生者也。人可於靈君使令。一刻不在絳宮。以統百屬乎。

訓俗遺規 卷四 尊生箋

三

病從心生。咎皆自取。此卽聖賢內省不疚。養心莫善於寡欲之義。

惡人害賢。猶仰天吐唾。唾不至天。還墮自身。

一 惡人害善人。還以自害。仰天吐唾之喻。甚精切。

人居塵世。難免營求。雖有營求之事。而無必得之心。則有得無得心。常安泰。與物同求而不同。貪與物同得而不同。積不貪。則少憂。不積。則無失。迹雖同。人心常異。俗。

寒山子曰。修性之道。除嗜去慾。齋神保和。所以省累也。內抑其心。外檢其身。所以寡過也。先人後己。知柔守謙。所以。

安身也。善推於人，不善歸己。所以養德也。功不在大，過不在小。所以積功也。然後內行充而道在我矣。

益州父老曰：凡欲身之無病，必須先正其心。使心不亂，求心不狂，思不貪嗜，慾不著迷，惑則心先無病矣。心若無病，則五臟六腑雖有病，不難療矣。

北宮子曰：衣其短褐，有狐貂之溫，進其菽菽，有稻粱之味。庇其蓬室，若廣厦之蔭，乘其華輅，若文軒之飾，終身怡然，不知其爲貧也。

稽叔夜云：服藥求汗，或有勿獲，愧情一發，盎然流溢，是皆情發於中而形於外也。因知喜怒哀樂，寧不傷人，故心不

訓俗遺規

卷四 尊生箋

撓者神不疲，神不疲則氣不亂，氣不亂則身泰，壽延矣。自知者不怨人，知命者不怨天，怨人者窮，怨天者凶。

文中子曰：能尊生，雖富貴不以養傷身，雖貧賤不以利累身。陳山人道遙說曰：治亂運也，賢否道也，壽夭數也，遇不遇時也。世有才智不相上下，而所遇頓殊，覽此足以自慰。

東坡居士曰：自今日已往，不過一爵一肉，有尊客盛饌，則三之可損，可不增，有召我者，預以此告之，主人不從而過是乃止。一曰安分以養福，二曰寬胃以養氣，三曰省費以養財。

袁氏世箴：仕者事上官如畏友，視吏胥如僕隸，撫良民如子弟，則無往而非學矣。居家者事親如君，敬尊屬如上官。

待兄弟如親賓。同僚。慈幼。小恤。耕役。如百姓。御奔走。使令。如吏卒。而少加寬焉。是亦爲政矣。

貪生畏死。人與物同也。愛戀親屬。人與物同也。當殺戮而痛。苦人與物同也。所不同者。人有知。物無知。人能言。物不能言。人之力強。物之力微。物以其無智。不能庇身。以其不能言。不能告訴。因謂物之貪生。與我輕重不等。遂殺而食之。凡一飲一食。不得肉。則不美。至於辨一食。又不止殺一物也。食鳩。鴿。鵲者。殺十餘命。方得一羹。食蚌。蛤。蝦。蛄者。殺百餘命。方得一羹。又有好美味。求適意者。則不止。據現在之物。順平常之理。殺而食之。或驅役奴隸。遠致異品。或畜養雞魚。大龜。擇肥而旋殺。生蟹。投糟。欲味入。鱖魚。造膾。欲有經紋。聚岸。燒蚌。環火。逼羊。開腹。取胎。刺喉。瀝血。炭炙。鷺掌。血積。掌厚。祇求美味。罔知造孽。互相效尤。以爲飲食合當如此。深思痛念。能不驚懼。

佛言。受卽是空。受謂受。苦。受樂。及一切受用也。如食。列數味。放筯卽空。出多驪。從旣到卽空。終日遊觀。旣歸卽空。惟爲善事。旣畢。其勤勞卽空。而善業具在。爲惡事。旣畢。其快意卽空。而惡業具在。若深悟此理。則食可菲薄。無過用。殺害之冤債。出可隨分。無勞心。苦人之煩惱。遊觀可息。無放蕩廢事之愆。尤善可勉。爲無懈怠。因循之失。惡可力戒。無

訓俗遺規

卷四

尊生箋

三

恣縱怨讐之罪。

救災救難不如防之爲易。療疾治病不如避之爲吉。今人不思防之於先而思救之於後。不思避之於先而務藥之於後。何見之左也。

君子之於善也無小而不崇。於惡也無微而不改。改惡崇善是藥餌也。有德者雖處幽暗不敢爲非。雖居榮祿常虞爲惡。外無殘暴之事。內無疾病之侵矣。

象山要語曰。精神不運則愚。血脈不運則病。

天之助人爲善也。至快至周。而畧無毫髮之或慳。天之報人之惡也。亦至信至密。而畧無毫髮之或漏。細考遺註當自見爾

訓俗遺規

卷四

養生箋

三

君子對青天而懼。聞雷霆而不驚。履平地而恐。涉風波而不懼。以責人之心責己。則寡過。以恕己之心恕人。則全交。凡人傷巧。則可悔之事多。守拙。則可悔之事少。

知止自能除妄想。安貧須要禁奢心。良田千頃。日食二升。大厦千間。夜眠八尺。

治生莫若節用。養生莫若寡慾。

瓦盆盛酒。與傾金注酒。同一醉也。寒驢布鞮。與金鞍駿馬。同一遊也。松牀莞簟。與繡衾玉枕。同一寢也。布袍蒲絮。與貂裘狐貉。同一煖也。蔬食菜羹。與烹龍炮鳳。同一飽也。如此則貧賤富貴。可以一視矣。

小人詐而巧。似是而非。故人悅之者衆。君子誠而拙。似迂而直。故人知之者寡。

枚乘曰。欲人無聞。莫若勿言。欲人無知。莫若勿爲。

顧東橋公著左右二警詞。左曰。言行擬之古人。則德進。功名付之天命。則心閒。報應念及子孫。則事平。受享慮及疾病。則用儉。右曰。好辨以招尤。不若訥默以怡性。廣交以延譽。不若素居以自全。厚費以多營。不若省事以守儉。遲能以誨。妬不若韜。智以示拙。

崔子玉座右銘曰。母道人之短。母忌人之長。施人慎勿念。受施慎勿忘。世譽不足慕。惟仁爲紀綱。隱心而後動。謗議

訓俗遺規

卷四 尊生箋

四

庸何傷。毋使名過實。守愚聖所臧。在涅貴不淄。賤暖內含光。柔弱生之徒。老氏戒剛強。行行鄙夫志。悠悠故難量。慎言節飲食。知足勝不祥。行之苟有恒。久久自芬芳。

范堯夫布衾銘曰。藜藿之甘。綿布之溫。名教之樂。德義之尊。求之孔易。享之常安。錦繡之奢。膏粱之珍。權寵之盛。利慾之繁。苦難必得。危辱旋臻。舍難取易。去危就安。至愚且知。士盍不然。顏樂箪瓢。百世師模。紆居瓊臺。死爲獨夫。君子以儉爲德。小人以奢喪軀。然則斯衾之陋。其可忽諸。龍舒居士曰。人生時。父母妻子。屋宅田園。牛羊車馬。以至微細等物。不問大小。或祖傳於已。或自己營爲而得。或子

孫或他人爲。累而得。色色無非已物。牒紙雖微。被人
搥破。猶有怒心。一針雖小。被人將去。猶有吝意。倉箱既盈。
心猶不足。舉眼動步。無非着愛。一宿在外。已念其家。一僕
未歸。已憂其失。種種無不掛懷。一日大限來到。盡皆拋去。
雖我此身。亦棄物也。况身外者乎。靜言思之。恍如一夢。莊
子云。有大覺者。然後知此其大夢也。

福生於清儉。德生於謙退。道生於安靜。命生於慈和。患生
於多慾。禍生於多貪。過主於輕慢。罪生於不仁。戒眼莫視
他非。戒口莫談他短。戒念莫入貪淫。戒身莫隨惡伴。無益
之言。莫妄說。不于已事。莫妄爲。尊君王。孝父母。禮賢能。奉

訓俗遺規

卷四 尊生箋

里

有德。別賢愚。恕無識。物順來而勿拒。物既去而不追。身未
遇而勿望。事已過而勿思。聰明多暗。昧算計。失便宜。損人
終有失。倚勢禍相隨。戒之在心。守之在志。爲不節而亡家。
因不廉而失位。勸君自警於生平。可嘆可警。而可畏。上臨
之以天神。下察之以地祇。明有王法。相繼暗有鬼神。相隨
惟正。可守。心不可欺。

人生太閒。則邪念竊生。太忙。則真性不現。故士君子。不可
不抱虛生之憂。亦不可不知有生之樂。

治家最忌者。奢。人皆知之。最忌者。鄙。當人多不知也。鄙。奢
之極。必生奢男。

或問希夷求持身之術希夷曰得便宜事不可再作得便宜處不可再往。

俗情濃艷處淡得下俗情苦惱處耐得下俗情勞擾處閒得下俗情牽絆處斬得下斯學問得力處。

清修之士與無厭之徒往往好言貧但貧一也守之則高談之則俗胡文定公戒子弟曰對人言貧者其意將何求讀書不學聖賢爲鉛槧傭居官不愛子民爲衣冠盜講學不尙躬行爲口頭禪富貴不思種德爲眼前花。

廉不言貧勤不言勞愛民不言惠鋤強不言威事上致敬不言屈已禮賢下士不言忘勢。

訓俗遺規 卷四 尊生箋

聖

總看得數者皆道理所當然職分所當盡不然非意見之私則狗飾之念皆於盲箴有黍。

饑寒所逼雖志士未免求人但求之有道患難所臨卽聖人亦有死地顧死之有名。

喜以文字晉人者巫蠱之見也喜以文字誅人者星術也。

炎涼之態富貴更甚於貧賤妬忌之心骨肉更甚於外人此處若不當以冷眼御以平氣鮮不日坐煩惱障中矣。

好談閨門及好談亂者必爲鬼神所怒非有奇禍則有窮人無一點真懇念頭便成箇僞字事事皆虛涉世少一段靈活機趣便是箇木人處處有碍。

宜事不可再作。

逆我者只消寧耐片時。便到順境少陵詩云。忍過事堪喜。忍亦有辨。畏勢而忍者。不足爲忍。無可畏之勢而忍者。足真能忍也。

天下可憐之人。皆不自憐之人。故曰無爲人所憐。天下可愛之物。皆人所共愛之物。故曰不奪人所好。

朱叔元曰。舉事母爲親。厚者所痛。而爲見讐者所快。

論名節。則緩急之事小。較生死則名節之論微。

聰明本是陰陽助陰陽。引入聰明路不行。陰陽使聰明。聰明反被聰明悞。

向於壁間見此四語。不知何出。細玩有味。可以喚醒世。

訓俗遺規

卷四

尊生箋

三

之。自逞聰明。不講心地者矣。

有問明道先生神仙之說。有諸曰。白日飛昇之類。則未之見。若言居山林間。保形鍊氣。以延年益壽。則有之。譬如一爐火。置之風中。則易過。置之密室。則難過。有此理也。

餘于詹應之。自少有志經世之學。淹貫六藝。旁綜史氏。百家言。及先儒治心養性之學。曰吾之身存。乃得以究吾之

學。則道家所謂留神保氣者。不得而畧也。或曰。子儒者。從事於此。得無聖門所不取乎。應之曰。人所以有生者。受命於天也。儒者欲全其所予之理。道家欲全其所賦之氣。理與氣。豈二物耶。吾所謂養其生者。非獨以畜吾氣也。欲氣

之神。明。有。以。充。其。實。理。之。光。大。也。鄉。黨。一。章。其。言。服。食。起。居。之。法。甚。脩。非。以。安。其。身。者。固。所。以。保。其。性。與。惟。聖。賢。行。之。於。日。用。之。常。而。道。家。雜。之。以。數。術。於。是。爲。不。同。爾。

真西山有衛生歌卽此義也。

薛文清曰。人素羸瘠。乃能兢兢業業。凡酒色傷生之事。皆不敢爲。可以延壽強壯者。恃其強壯。恣意傷生。則禍可立待。豈非命雖在天。而立命在己歟。

人咸以無病無事爲福。究而論之。病不可多耳。亦不能無事不可多耳。亦不可無。固有因無病則流於縱肆。無事則狃於怠荒者矣。時有病則知所儆戒。或有事則有所操持。

訓俗遺規

卷四

尊生箋

四

保身保家未必不自有病。有事中來未可槩以無

病無事爲福也。

鄭子元由翰林外補十餘年不得賜環。侘傺無聊。遂成心疾。問真空寺僧治之。僧曰。貴恙起於煩惱。煩惱生於妄想。妄想有三。或追憶數十年前榮辱恩讐。悲歡離合。及種種閒情。此過去妄想也。或事到眼前。可以順應。乃畏首畏尾。猶豫不決。此現在妄想也。或期望日後富貴榮華。皆如其願。或期望功名遂。皆老歸田。或期子孫登庸。以繼書香。與夫一切不可必成。不可必得之事。此未來妄想也。能照其妄而斬斷。念頭禪家謂之覺心。故曰不患念起。惟患覺遲。

釋家清淨說法卽儒者養心正論官場對症藥也

千般營運不如淺種深耕死後披麻不如在生孝順結義他人不如周全骨肉買命放生不如存心戒殺發願修行不如還了宿債千般計較不如本分爲人

多行陰騭事莫作身後冤陰騭不在修寺設醮誦經念佛也在自己不肯昧心欺人當惻隱處勉力行之利濟人物但行濟人之事不可存望報之心

行善不求知濟人不望報所以謂之陰騭眼前作惡卽身後冤也周蓮峯曰仕宦勢豪家尤多此冤

爭名利要審自己分量不要眼熱別人更生妬忌之念撐

訓俗遺規

卷四

尊生箴

星

門戶要算自己來路不要步趨別人妄生拉扯之計

曹月川構勤苦齋書其戶曰勤勤勤不勤難爲人上人苦苦苦不苦如何通今古喜談人善惡稱人惡有稱人善者

喜動顏色問其始末記念不忘有稱人惡者佯若不聞或舉言以沮之終身不以語人

韓文公曰一時勸人以口百世勸人以書較之與人爲善雖有形迹然對症發藥時有奇效不可廢也

凡勸人而使人有所感動雖無奇功必有效

世人動曰塵世苦海不知雲白山青川行石立花迎鳥笑谷答樵謳世並不塵海並不苦彼爲榮利纏縛自尋塵

知足歌云。思量事累苦。閒著便是福。思量饑寒苦。飽煖便是福。思量疾病苦。康健便是福。思量危難苦。平安便是福。思量監禁苦。安居便是福。思量死來苦。活著便是福。也不必高官厚祿。也不必堆金積玉。看來一日之間。許多自然之福。只因看不破。終日自覺。本是無事人。討得惱心曲。本是溫飽人。弄得缺衣食。本是強健人。縱得病拘束。本是平安人。惹得危險辱。本是長壽人。作得死催促。世間有幾人。會享自然福。我勸世間人。不要不知足。

湖南山中農家壁上。有詩四絕。不知作者爲誰。意甚警策。一曰。鵲噪非爲喜。鴉鳴豈是凶。人間凶與吉。不在鳥聲中。

訓俗遺規

卷四 尊生箋

四

二曰。耕牛無宿草。倉鼠有餘糧。萬事分已定。浮生空自忙。三曰。翠死因毛貴。龜亡爲殼靈。不如無用物。安樂過平生。四曰。雀啄復四顧。燕寢無二心。量大福亦大。機深禍亦深。壁上詩句。書者無心。看而動念。未必無益。是亦以善及人也。若滿壁淫詞亂道者。作孽亦不少矣。

王伯大。四留銘。留有餘不盡之巧。以還造化。留有餘不盡之祿。以還朝廷。留有餘不盡之財。以還百姓。留有餘不盡之福。以遺子孫。

寇萊公。六悔銘。官行私曲。失時悔。富不儉用。貧時悔。藝不。少學。過時悔。見事不學。用時悔。醉後狂言。醒時。息病時。悔。

陸平泉方便名言人皆要便宜我獨學喫虧非人皆伶俐
非我獨呆癡我使人不便我宜人不宜誰人肯喫虧循環
相報施縱人不還報彼蒼安能欺我見便宜者徃徃多喫
虧身命多短折子孫隨式微挾智逞詐術乘權恣管爲那
知冥冥中盈滿禍相依我見喫虧人徃徃多便宜知白務
守黑知雄務守雌那知冥冥中謙虛福所歸使人乃自便
宜人乃自宜命緣本淺薄積善天可移若復造惡孽凶福
當益滋如彼富貴人更須學喫虧同生天地間我獨享榮
肥須有大功德可以留天福卽如尋常人福澤難久居况
復愛便宜鬼神將矚之近身遺兒孫悔後將安追我勸富

訓俗遺規

卷四 尊生箋

七

貴人更須學喫虧

尋方便在濟貧饑寒良可憫推解莫厭煩尋方便在敬
老光景逼桑榆居食須安飽尋方便在解紛羣小喜相
構調和仗端人尋方便在申枉鑿彼覆盆冤周全脫羅
網尋方便在憐才美哉後來儔勿惜齒牙推尋方便
在矜愚昏柔莫輕侮啟翼須勤劬尋方便在恤孤伶仃
悵無依顛危亟相扶尋方便在撫下僕役皆人子百事
從寬大尋方便在掩骸白骨雖已朽游魂實堪哀尋
方便在除惡寧獨忍斯人惡誅良民樂

言淺而義該人人當行時時可行於居官尤切

勸世人九不得云。好事本該做。私心做不得。你若做好事。別人分不得。忤逆不孝順。天理容不得。閻里不和睦。人情恕不得。王法鎮乾坤。犯了饒不得。田園千萬頃。惹禍保不得。銀錢堆滿屋。臨死帶不得。鑿前陳水陸。一箸動不得。命運不作主。却也強不得。

陳眉公醒世三十六語。一生都是命安排。求甚麼。命裏有時終須有。鑽甚麼。前途止有這些路。急甚麼。不禮爹娘禮世尊。諛甚麼。弟兄姊妹皆同氣。爭甚麼。榮華富貴眼前花。戀甚麼。兒孫自有兒孫福。愁甚麼。奴僕也是爹娘養。凌甚麼。當權若不行方便。逞甚麼。公門

訓俗遺規

卷四

尊生箋

吳

裏面好修行。克甚麼。刀筆殺人終自殺。唆甚麼。舉頭三尺有神明。欺甚麼。文章自古無憑據。誇甚麼。他家富貴生前定。妬甚麼。前生作孽今受苦。怨甚麼。補破遮寒暖。卽休。擺甚麼。纔過咽喉成何物。饞甚麼。死後一文將不去。慳甚麼。前人田地後人收。占甚麼。聰明反被聰明誤。巧甚麼。虛言折盡平生福。謊甚麼。贏了官事輸了錢。訟甚麼。是非到底自分明。辨甚麼。人世難逢開口笑。惱甚麼。暗裏催君骨髓枯。淫甚麼。十個下場九個輸。賭甚麼。得便宜處失便宜。貪甚麼。治家勤儉勝求人。奢甚麼。人爭閑氣一場空。恨甚麼。惡人

自有惡人磨。憎甚麼。冤冤相報幾時休。讐甚麼。人生
何處不相逢。狠甚麼。世事真如一局棋。算甚麼。誰人
保得常無事。誚甚麼。穴在人心不在山。謀甚麼。欺人
是禍饒人福。卜甚麼。

語皆淺近却易動人故曰醒世。

劉念臺曰。爭忿最難忍。若忍得過去。却有許多受用。不能
忍而致禍患。所謂一慙之不忍而終身慙也。苟念及此忿心自息
歲逢水旱。流離滿道。仁人君子。諒皆垂慈。然非虛爲嘆息
已也。或曰。俟其有而與之。何時是有待其有也。骨已朽矣。
分一二口食。積之亦可救饑。施一二文錢。積之亦可度命。

訓俗遺規

卷四

尊生箋

吳

若以善門難開。恐其不繼。密持錢米於流民往來之地。隨
緣給之。老幼殘疾者加之。不居名。不露相。救得一人。是一
人。施得一日。是一日。囊罄則止。何慮其不繼也。
問欲救人而財物不能。奈何。曰。救人不徒在財物。或代白
其冤。或解釋其事。或以一人倡衆人。或以此勸掖富貴有
力者爲之。皆救人大德也。

節吾一日之肥甘。以飽枵腹。其爲肥甘孰大焉。省吾一衣
之文繡。以蓋裂膚。其爲文繡也更美焉。減吾一事之玩好。
以濟無聊。其爲玩好尤佳焉。

或問吾人處世。思前慮後。有許多勾當。未免爲慮。奈何。心

齋先生曰。何不以不了。了了之心之法。隨身有無。隨家豐儉。高還高下。還下有餘。還有餘不足。還不足一毫不起。非望之想。分外之求。則身家之念。一時俱了。若不於了處了。只在事上討求。完全稱意。日出事生。終身便無了期。隨遇而安。不弄巧。不強求。皆了心之謂也。

人只言人心難料。不知自心更難料。人只言人心不平。不知自心更不平。識得自心。方可說人心。

無病之身。不知其樂也。病生始知無病之樂矣。無事之家。不知其福也。事至始知無事之福矣。

命由心造。今人多將一生妻財子祿。及流年月建。須推一

訓俗遺規

卷四 尊生箋

五

冊以爲左券。如命該顯達者。自謂必得功名。詩書不必苦讀也。命該富饒者。自致豐亨。食用不必經營也。一生無福者。竟放心行險。恃以無恐也。終身少病者。遂恣意荒淫。可保無虞也。是命章令人曠志失業。不加修省。何其拘泥不通也。是猶炊飯待火。而不知其有燈也。故命之一字。夫子

一字夫子罕言之。

心不光明。點甚燈。意不公平。看甚經。大秤小斗。喫甚素。不孝父母。齋甚僧。妙藥難醫。冤孽病橫。財不富。命窮人。

相傳爲東

嶽帝

語。語甚警切。足以喚醒愚惑。

常與一老布衣。平時好狡。自號清客。書門對一聯云。心中無半點事。眼前有十二孫。其鄰人嘲之。續其下云。心中無點事。兩年前不會完糧。眼前有十二孫。一

尊生箋終

熊勉菴寶善堂大衆人等不費錢功德例

桂林陳文恭公原纂訓俗遺規載不費錢功德例所以垂世立訓者至矣其公門不費錢例已纂入在官法戒錄卷之一內官長紳士不費錢例補刻從政遺規後婦女不費錢例補刻教女遺規後茲亦將大衆農家商賈百工醫家士卒僧道僕婢工役諸不費錢例摘鈔于訓俗遺規未俾涉世者謹遵是篇各隨其身之所處各盡其力之所能不待費錢功德無量何憚而不爲乎故補刻之芝陽培

大園居士謹識

訓俗遺規

卷四

大衆不費錢事

五

大衆

各種人俱在內故曰大衆

父母前解一怒舒一憂

生我劬勞昊天罔極故真律云百善孝爲先

父母責

怒順受

勸父母改一過遷一善

不暴親短

不令老

親任力

不厭薄老病父母舉動

對親不疾聲厲色

友愛兄弟

易得者錢財難得者兄弟比之如手足死喪孔懷闔牆舉侮何可不友愛况和妻子宜兄弟正

順父母處

聯屬親黨

存心依天理王法

曲行方便事我

方便人天

必方便我

作事畏天地鬼神

與人同事不生異心

貧不思害富

富不可欺貧

不唆訟離間骨肉

不輕

以壞事疑人

軫孤恤寡

孤兒寡婦天恩所未及者人能軫惜之其功德莫大

不

暴殄天物

用等出入公平

用秤不捺分量

不言人

祖父卑微。不談人閨闈。遇他人言及幼輩可正言叱之。若長輩等輩則以他事阻斷之。

不輕信婦人言。憑令尼僧出入勾引。恐有邪謀宜用心禁絕。

勢可使不使。不行使低假銀。商賈遇之必致折本。小經紀遇之往命攸關。設身處地情何以堪。

不強買計買。虧人命本。不恃乖欺拙巧。天更巧。我特巧以欺人。不毀人成功。凡事成功甚難。豈可輕毀。全婦拙。天則福拙以禍乖。

女貞節。各節閨人終身百世成。延續人嗣。代為之立賢嗣。繼厥後。功德莫大。

不妬富欺貧。不恃強凌弱。不挑唆搬鬪。

不下井落石。不評人陰私。不因隙咒咀。不見財

毒害。不妄起淫心。陰律云。萬惡淫為首。不汗人名節。不逞志

作威。不辱人求勝。不口是心非。不包藏禍心。不

訓俗遺規。卷四。大衆不費錢事。 五

彰人短炫已長。勸人隣里親戚和好。見渡獵屠戶勸

改業。已見。奴婢可怒。不怒且善教之。奴僕亦人子。所少者錢耳。恤之即可保有自

孫。傳說因果方術。傳布感應善書。息人爭訟。

歡喜放生。不拋棄五穀。不播揚人惡。勸人不溺子

女。敬人之命。功德甚大。拾財寶還人。財命相連。福報不小。當欲可染不染。

不用有字紙張。見播人過者止之。見揚人善者助

之。見人憂患善為勸慰。勸止人不嫖賭。不說欺誑

語。不說尖酸語。不負財物寄托。不欺殘疾愚癡及

老幼病人。遇急病無人料理者。即代請醫調治。安貧

守分不生伎求。引過歸己。推善與人。交絕不出惡聲。

婚姻未成者贊助之。伉儷將乖者勸和之。不忘人

恩。不念人惡。不助人爲非。不謗僧道。水流屍骸。

稟官撈起掩埋。道路死人倡募棺木。地上遺骸收聚

掩埋。凡民有喪匍匐救之。指引迷路行人。扶瞽目

殘疾人過危橋險路。指引涉水淺深。剪道旁荆棘免

刺人衣。除當路瓦石免蹶人足。潭泥中安石塊。斷

絕處架木板。黑暗中照人一燈。雨中借人雨具。時

時察奴婢饑寒病暑。率鄉里平升斗等秤。禁幼小

女凌虐婢僕。不聽婦人言。疎殘骨肉。不窺人私書。

不沉滯人書信。興造顧隣人風水。受享知慚愧。贊

訓俗遺規 卷四 大衆不費錢事 五

成人好事。申雪人冤枉。禁無故宰殺。不侮弄老幼

殘廢人。行路不踐人禾稼。不埋沒寄托子女姓氏。

見人塚棺暴露以土掩之。不壞人義塚。不呵風罵雨。

當與人財物。不遲時。不以祖父骨骸頻遷。妄希富貴。

不說傷風化語。不乘火窺人婦女。不借救火携人

物件。不傲慢尊長。不離間骨肉。常將不如己者強

自寬解。見諸聖像瞻仰恭敬。不阻人爲善。不助人

爲惡。不毀禽獸巢穴。上者爲巢。下者爲穴。不取鳥卵。一卵一

三春不打鳥。打鳥者。歷遭慘報。人當猛戒。至於三義犬

不賣屠家。犬之有義甚於人。心相依之日。斷不可動。牛列天

且。有知贊與人無二。不食耕牛犬肉。牛列天。宿且興。

地利。天性多義。至死不變。有志富貴者尤宜戒。不措勒佃戶。祈寒暑雨。受盡辛苦。地主安享。

不可。見有當救者。勉力必救。凡可從寬者。勉力必寬。

不沉匿借物。不以他人物不存愛惜。不因善人失

意。自己貧困。遂退善念。貧困乃受前生之孽報。為善必有將來之福祿。不見惡

人富貴。遂疑報爽。眼前富貴。乃其前生之福報。現今作惡。必有日後災殃。扶貧濟

困。必先本宗。而後外族。糕餅藥餌。必先父母。而後兒孫。

凡事肯替別人想。凡物肯替別人惜。所欲必推所

惡勿施。勿以善小而為。勿以惡小而為之。

富貴家。一切利濟。力到便行。錯過可惜。

農家

訓俗遺規

卷四 農家不費錢事

五

耕作以時。照顧蟲蟻。糞田不害物。不阻斷走路。

填坑塹。以便行人。不唆田主。謀買取方田地。不夥僕

人。盜賣主人穀粟。不藉主人勢。縱放六畜。殘隣田禾。苗

不諂奉主人。耕占隣田。溝心岸界。不拜斷人墳墓。左

右前後風水。不耕占迷失墳墓。不攬唆主人。故意阻

塞水道。指隣田錢財。不私動主人種糧。恐臨期。糶稗欺。混致損。秋放。

不忌隣田禾苗茂盛。妄生殘害。不借口隣田六畜。殘

毀禾苗。唆主人詐害。不做工懈怠。荒人田畝。不以酒

飯不厚。工錢短少。遂生怠惰。做假生活。填墳墓穴。洞

愛惜他人車具。驢牛猪羊食禾苗者。不輕刺戳。犁車

牛路不圖超近踐人禾苗。不於戊日犁鋤田土澆灌穢

糞汚觸地祇。西王母曰春犯戊日令人壽夭無後。勳土則

五岳威靈。秋犯戊日令人時疫。癘疾。勳土則犯山川。社金

冬逢巳日令人官非口舌。勳土則犯四瀆神祇。抱朴子曰

蛇逢巳日不出道。燕逢戊日不啣泥。微蟲尚知陰陽忌。何

百工

雕畫不褻瀆聖像。造物必求堅實。不因主人酒飯簡

慢輒生壞念。不作不吉利語。造作不苟且草率。不

行厲魅法。不損哄人興造。不傳播主東家常隱微。謂

主顧家中長短事。不造磽薄假物。不耽延捱工。不圖帶買受

謝哄買假貨。不以裂破者混哄。不輕毀成物。不妄

訓俗遺規。卷四 工商不費錢事 五五

作淫污。不污損人衣物。不偷竊人材。致短小窄狹

支。不輕費人材料。愛惜鋪墊遮蓋物件。以上。搬鋪

防廢人足。搬音批。所以繫船者。搬鋪。若置當塗。恐人有廢之患。填塞搬鋪洞。恐陷

急流中代篙代緯。擠塞中讓篙讓緯。不因措索多

資羈遲急事人登岸。以上舟子

商賈

討價不欺哄鄉愚。不高擡柴米價。貧人買米不虧升

合。不賣假貨。出入不用輕重等秤。小大斗升。凡病

人所需貨物。不措勒高價。恐貧人無力措。辨致病者難堪。汗穢餼饌不

可欺人。不見仍賣人用。不設計謀奪生意。不忌人生

意茂盛。多方讒毀。交易公平。童叟無二。深夜買急。

需物者。不以寒冷不應。恐係病人所需。典舖輕減利息。當銀。

錢足其等色。貧人錢數分數尤加寬恤。贖當少虧無補。

諒情讓免。勿使不成。致恨沉沒。貧人往往積蓄多日。始來求贖。若以此些小無補。致復

散失難聚。因而沉沒。其恨不小。不齊行勒重價。貧人買夏帳棉衣被。

等哀憐讓價。勿使不成。夏之蚊帳。冬之衣被。失之便是地獄。

醫家

施效驗良方。遇急病請致即行。遲速時外。生死攸關。診脈不輕。

率任意。不因貴藥輒減分數。不因錢少遲滯其往。

不因錯認病症下藥。委曲回護。不因祈寒暑雨憚於遠。

訓俗遺規。卷四。醫家不費錢事。五。

赴。不因飲酒讌樂託辭不往。耐心替貧賤人診脈。

遇貧病者指藥救治。經云救人一命。勝造七級浮屠。福報不爽。不用反藥。遲。

其痊愈。病本易治。故用反藥。遲延以圖厚謝。外科尤甚。壞良心喪天理。不可不戒。不用霸道。

藥求其速效。恐稍不合。人非小。不因重病險症指勒厚謝。此與上反

藥遲痊。陰律最重。不可不戒。不輕下劫藥。千條非小。不妄驚病家。不

賣假藥誤人病。不輕忽臨危病人。不厭惡穢惡病人。

不與同道水火誤及病人。不圖省便以相反藥同器。

浸漬。氣味相反。有妨病者。不用墮胎藥。不忌時醫輒生毀謗。

細心問病信實。然後用藥。認病不真實。必令邀醫會議。

請不再邀。念在牀褥者。刻不待時。速行方便。可以步行。不必輿舟費。

人財物遇貧賤家尤不可不以丸末擅稱貴味欺人 不待藥資然後發藥 不因甫看醫書好爲開方試藥

士卒

無事勤習武藝 有事奮勇爭先 爲地方巡緝奸匪 遇

水火竊盜爭先救捕 忠國衛民 謹守法令 出師不

妄殺平民人命關天 不淫人婦女大德敦化 天報不薄 不搶擄財帛

財帛與民命相連 不乘救火搶物 不因挾財不遂妄加毆殺

不折毀人墻屋 不毀壞人家伙 不挖墳墓造銅竈

各有祖宗 于心何忍 不砍伐墳木 不擄掠子女 不勒買物貨

不欺嚇鄉愚 不強索酒食 不踐踏人禾苗 不硬

訓俗遺規

卷四

士卒僧道不費錢事 至

使低假銀錢 不重利盤剝小民 征勦不剝人衣裳

路途不扯人負戴

僧道

謹守清規 嚴持戒律 不窺人婦女 不說戲謔語

不說污穢語 揭卷必先盥手 不使婦人人寺院 不

賭博 不飲酒 不浪費施主銀錢 不苟簡神前香燭

不竊用神前油燭 祈禱必虔誠齋戒 募修壞橋窪路

募施冬夏茶湯 募施棺木 留養過路病人 掩埋

無主枯骨 不可常往施主之家 神案整齊潔淨 不欺

斜不置穢褻器物 齋醮日不妄笑語見官府且不可笑語况神聖乎

齋醮日尤不可私窺婦一念少弛卽無以格天

大齋醮前後不輩酒淫色况私窺則知念隨之矣罪莫

焉此為大居應赴者言蓋既不誦經斷頭勿使殿宇

佛像坍塌如募修不以十方錢糧充私橐不享十方

衣食閒度光陰如募修

僕婢工役

小心勤慎潔淨飯餘不搬弄是非致主人骨肉不和

不傳說主人隱事不背主向客不背地咒怒主家

不誤主委託不拋撒飲食不糜費主人柴米物料

不霉爛主人衣服損壞器皿不偷盜財物飲食不

誣枉陷人不倚主勢強買短價不因讐恨激怒主人

生事不因主打罵妄生咒咀不因主貧懦便生玩侮

不因衣食不敷萌二心不同輩擻害不剋落錢財

不欺哄幼主不奸巧躲懶不見利忘恩不播揚

主短

訓俗遺規與善堂合養正教女從政諸遺規并在官

法戒錄重刻名五種摘鈔凡同志願印訓俗一規

者任憑請板刷印仍祈繳存原局幸勿遺失芝陽培

園小居士謹記

訓俗遺規 卷四 僕婢工役不費錢事 五

訓俗遺規補摘鈔卷之四終

